

殿旨造子綱目

十一之十一

肝膽部

諸風  
中深難言  
身癢  
眩  
勞風  
瘕瘕

卒中之初  
產後中風  
癱瘓  
胎前症  
顫振

中分淺深  
口噤  
子痛  
產後瘕  
產後瘕瘕

中淺能言  
口眼歪斜  
瘕  
破傷  
厲風

內閣文庫			
三	二	一	漢書
函	二	四九	
二	三	一	
架	冊	號	類

內閣文庫	
番號	漢 12491
冊數	23 ( 5 )
函號	301 20







醫學綱目卷之十

諸風

典藉方

肝膽部

帝問曰風之傷人也或為寒熱或為熱中或為寒中或  
 為癘風或為偏枯或為風也其病各異其名不同或內至  
 五臟六腑不知其解願聞其由岐伯對曰風氣藏于皮膚  
 之間內不得通外不得泄風者善行而數變腠理開則洒  
 然寒閉則熱而悶其寒也則衰食飲其熱也則消肌肉故  
 使人怵慄而不能食名曰寒熱風論治見寒熱門○怵  
陰骨切忽忘也慄懼也  
 風氣與陽明入胃循脈而上至目內眦其人肥則風氣不  
 得外泄則為熱中而目黃人瘦則外泄而寒則為寒中而  
 泣出治熱中見黃疸門  
治寒中見日淚門  
 風氣與太陽俱入行諸脈俞散于分肉之間與衛氣相干  
 其道不利故使肌肉憤脹而有瘍衛氣有所凝而不行故  
 不仁



癘風

其肉有不仁也治見痺門

風寒客于脈而不去名曰癘風或名曰寒熱癘者其榮衛不清故使鼻柱壞而色敗皮膚癢潰

藏府風

以春甲乙傷于風者為肝風 以夏丙丁傷于風者為心

風 以季夏戊己傷于邪者為脾風 以秋庚辛中于邪

者為肺風 以冬壬癸中于邪者為腎風 風中五臟六

俞穴風

腑之俞亦為臟腑之風各入其門戶所中則為偏風治見中風

門 風氣循風府而上則為腦風治見頭痛 風入係頭則為

目風眼疾治見眼目 飲酒中風則為漏風治見肝門 入房汗出

中風則為內風王註以勞風為內風治見肝門 折沐中風則為首風治見頭痛

久風入中則為腸風飧泄治見下痢 外在腠理則為泄

風故風者百病之長也至其變化乃為他病也無常方然

截府風

致甲乙經有字有風氣也帝曰五臟風之形狀不同者何願聞

其診及其病能岐伯曰肺風之狀多汗惡風色餅然白時

欬短氣晝日則瘥暮則甚診在眉上其色白餅字音邊切

景云肺中風者口燥而心風之狀多汗惡風焦絕善怒

赫赤色病甚則言不可快診在口其色赤赫字衍文也仲

翁翁發熱不能起肝風之狀多汗惡風善悲色微蒼嗑

乾善怒時憎女子診在目下其色青仲景云肝中風者頭

人嗜脾風之狀多汗惡風身體怠惰四肢不欲動色薄

微黃不嗜食診在鼻上其色黃仲景云脾中風者翁翁發

目睛腫腎風之狀多汗惡風面痲然浮腫脊痛不能正

立其色始隱曲不利診在肌上其色黑奇病論云有痲然

大緊身無痛處形不瘦不能食食少名為何病岐伯對曰

病生在腎名為腎風腎風不能食者驚而心氣痿者死

張子仲治桑惠民病風面黑畏風不敢出爬搔不已眉毛

脫落作癩醫三年不瘥求治于戴人曰非癩也乃出

素問風論云腎風之狀多汗惡風脊痛不能正立其色始

面痲然浮腫今公之病乃腎風也宜先刺其面大出血其

病



血當如墨色三刺血變色矣于是下針自額上下排針直  
至顛額皆出血果如墨色遍腫處皆針之惟不針目眇外  
兩傍蓋此少陽經少血多氣隔日又針之血色乃紫二日  
外又刺其血色變赤初針時癢再刺則額角痛三刺其痛  
不可任蓋邪退而然也後二十日餘又輕刺一遍方已  
刺必以米水洗其面血十日黑色退一月面稍赤三月乃  
紅白但不服除下熱之藥病  
又作戴人在東方無能治者

愈風

食不下膈塞不通腹善滿失衣則腹脹食寒則泄診形瘦  
而腹大 首風之狀頭面多汗惡風當先風一日則病甚  
頭痛不可以出內至其風日則病少愈 漏風之狀或多  
汗常不可單衣食則汗出甚則身汗喘息惡風衣常濡口  
乾善渴不能勞事 泄風之狀多汗汗出泄衣上口中乾  
上漬其風不能勞事身體盡痛則寒

右五臟風症多汗惡風其治法用仲景桂枝湯之類孫  
真人皆灸本臟背膺兼用續命湯治之

診

靈黃帝曰人之善病風厥澆汗者何以候之少俞答曰肉

不堅腠理疎則善病風帝曰何以候肉之不堅也少俞答

曰腠肉不堅而無分理理者粗理粗理而皮不緻者腠理

疎此言其渾然者五變論

素暴厥而聾偏塞閉不通內氣暴薄也不從內外中風之

病故瘦留着也通評虛實論 汗出而身熱者風也全文

尺膚滑其渾澤者風也 尺膚滑而澤脂者風也全文

見診法

脈脈浮而大者曰風 病風以日夕死全文見

中風 卒中之初 中分淺深

中淺半身偏痛舌能言 中深半身不收舌難言

產中風 口噤 口眼喎斜 癢

中風世俗之稱也其症卒然仆倒口眼喎斜半身不遂或  
舌強不言唇吻不收也然名各有不同其卒然仆倒者

考異



經稱為擊仆世又稱為卒中乃初中風時如此也其口眼  
喎斜半身不遂者經稱為偏枯世又稱為左癱右瘓及腰  
腿風乃中倒後之証邪之淺者如此也其舌強不言唇吻  
不收者經稱為痲病世又稱為風懿風氣亦中倒後之症  
邪之深者如此也東垣以邪淺為中脈中腑而易治邪深  
為中臟而難治者得之矣凡病偏枯必先仆倒故內經連  
名稱為擊仆偏枯也後世迷失經意以偏枯痲病之旨一  
以中風名之遂指偏枯為枯細之枯而非左癱右瘓之症  
習俗之弊至于如此也殊不知仲景云骨傷則痿名曰枯  
蓋痿緩不收則筋骨氣肉無氣以生脉道不利手足不稟  
水穀之氣故曰枯非細之謂也或積日累月漸成細者間  
有之非可便指枯為細也

內經兼  
內傷外

素凡治消痺仆擊偏枯痿厥氣滿發逆肥貴人則膏梁之

感

疾也

通評虛  
尖論

三陰三陽發病為偏枯痿易四肢不舉

見診病傳變氣樞云其氣  
去邪氣獨留發為偏枯

靈其有三虛而偏中於邪風則為擊仆偏枯矣

九宮八  
風篇

風中五臟六腑之俞亦為臟腑之風各入其門戶所中則

為偏風

全文見  
諸風

右經四節論偏枯前一節屬內傷後二節屬外感蓋此  
症內傷外感相兼而成也至于河間東垣丹溪則專主  
內傷仲景陳無擇孫思邈則專主外感今詳偏枯邪淺  
者宜瀉外感為主補內傷佐之痲病邪深者宜補內傷  
為主瀉外感佐之也

垣中風為百病之長乃氣血閉而不行此最重之  
之藥皆辛溫上通天氣以發生為體是元氣始出

蒂也



河間中  
垣主內  
傷

河風病多因執盛俗云風者言未而忘其本也所以中風而有癱瘓諸症者非謂肝木之風實甚而卒中之也亦非外中于風良由將息失宜而心火暴甚腎水虛衰不能制之則陰虛陽實而熱氣怫鬱心神昏冒筋骨不為用而卒倒無所知也多因喜怒思悲恐之五志有所過極而卒中者由五志過極皆為熱甚故也所謂肥人多中風者肥則腠理緻密而多鬱滯氣血難以通利若陽熱之甚而鬱結甚故多卒中也其瘦者腠理疎通而多汗洩血液衰少而為燥熱故多有勞嗽之疾也然肥人反勞者由暴然亡液損血過極故也瘦人反中風者由暴然陽熱太甚而鬱結不通故也經云人之氣以天地之疾風名之故中風者非外來風邪乃本氣病也凡人年逾五旬氣衰者多有此疾壯歲之際無有也若肥盛則間有之亦形盛氣衰如此治

法宜和臟腑通經絡便是治風

東垣論中風從內出其治法則如外入之証亦以發

表攻在行中

仲景無  
擇思中  
主外風

而數中風使然無擇諸方論中所謂左癱右瘓者蓋邪氣中人邪氣反緩正氣即急正氣引邪喘僻不遂也風懿者以心悶閉不能言俱噫噫作聲蓋肺氣入心則能言邪中心肺涎潮塞故使然也四肢緩縱為風痲者以風涎散注于關節氣不能行故使四肢不遂也舌強不能言者以風入心脾經心之別脉系于舌本脾之脉俠咽連舌水散舌下今風涎入其經絡故舌不轉而不能言也四肢拘攣者以中風冷邪氣入肝臟使諸經攣急屈而不伸也風柔者以風熱入于肝臟使諸經張緩而不收也故經曰寒則攣急熱則弛張風顛者以風入于肝臟經絡上氣不守正位

醫學綱目卷十



故使頭招面眩手足顛掉也風瘖者以風冷之氣客于中  
滯而不能發故使口噤不能言也與前所謂涎塞心肺同  
候此以口噤為差耳眼腿風者半身不遂失音不語臨事  
不前亦偏中于心肺經所致也已上皆言風從外入

卒中之初

**初治**  
初中倒時隨即醒者宜治若不醒者宜搯人中至醒若痰  
涎壅盛者宜吐之口噤者亦宜吐之若口開手撒遺尿者  
為陽暴絕速宜大料參芪補接之若眼戴上者宜灸之  
本治中風忽然昏倒若醉形體昏悶四肢不收風涎潮于  
上膈氣閉不通宜救急稀涎散

猪牙皂角

四兩肥實不  
去黑皮

旨禁光明者  
一兩

右為細末研勻輕者五分重者三字七溫水調灌下不  
大嘔吐但微微令涎出一二升便得醒醒後緩緩調治

不可便大投藥餌恐過傷人

治中風同前症勝金丸

生薄荷兩

猪牙皂角

二兩地碎水一升一味  
一處浸取汁研成膏

苾芾兩

梨蘆二

硃砂半兩

右將硃砂末二分與二味末研勻用膏子搜和丸如龍

眼大以硃砂為衣溫酒化下一丸甚者二丸以吐為度  
得吐即醒不醒者不可治必用方論中風无吐法引金

虎碧霞為戒丑如卒暴涎生聲如引鋸牙關緊急氣閉  
不行湯藥不能入命在須臾者執以无吐法可乎但不

當用銀粉藥恐損脾壞人四肢爾予用此三方每每有

驗羅謙甫方有粉霜鉛  
馬粉無梨蘆治法同

治急中風口閉涎上欲垂死者一服即瘥

江子二粒去  
皮膜

白礬女指人  
一塊為末



右將二味在于新瓦上煨令江子焦赤為度為末煉蜜丸如雞荳大每服一九用綿裹放患人口中近蹠處良  
文吐痰立愈

中倒後口禁牙關緊急治法另見後口噤門吐去

風病口開手撒眼合遺尿鼻聲如鼾者五臟氣絕也蓋  
口開者心絕手撒者脾絕眼合者肝絕遺尿者腎絕聲如  
鼾者肺絕也若見一猶可用工若面赤時黑主陽上散腎  
水反克心火蕪遺尿口開氣喘者斷不救也

五臟氣絕速宜大料參芪煎濃湯灌之及臍下大艾灸之  
亦可轉死迴生也

羅治中風眼上戴不能視者灸第二椎骨第五椎上各七  
壯一齊下火炷如半束核大立愈

中分淺深

表假

虛邪偏客于身半其入深內居榮衛榮衛稍衰則真氣

去邪氣獨留發為偏枯故其邪氣淺者脉偏痛邪氣淺者脉偏痛

偏枯身偏不用而痛言不變志不亂病在分腠之間巨針

取之益其不足損其有餘乃可復也辨之為病也身無痛

者四肢不收志亂不甚其言微知可治甚則不能言不可

治也辨之為病也身無痛辨之其言微知可治甚則不能言不可

右內經論中風之淺深也其偏枯身偏痛而言不變志

不亂者邪在分腠之間即仲景東垣所謂邪中腑是也

辨病無痛手足不收而言瘖志亂者邪入于裡即仲景

東垣所謂邪中臟是也

診

仲寸口脉浮而緊緊則為寒浮則為虛寒虛相傳邪在皮

膚浮者血氣虛絡脉空虚賊邪不瀉或左或右邪氣反緩



正氣即急正氣引邪啗僻不遂邪在于絡肌膚不仁邪在  
于經即重不勝邪入于腑即不識人邪入于臟舌即難言  
口遂吐涎

在臟在  
用經  
之治法

絜風者百病之始善行而數變行者動也風本為熱熱勝  
則風動宜以靜勝其躁養血是也治須少汗亦宜少下多  
汗則虛其衛多下則損其榮汗下各得其宜然後可治其  
在經雖有汗下之惑而有中臟中腑之分中腑者宜汗之  
中臟者宜下之此雖合汗下亦不可過也仲景云汗多則  
亡陽下多則亡陰亡陽則損氣亡陰則損形故經言血氣  
者人之神不可不謹養也所謂表裏不和須汗下之表裡  
已和是宜治之在經也其中腑者面頰顯五色有表証而  
脈浮惡風惡寒拘急不仁或中身之後或中身之前或中  
身之側皆曰中腑也其病多易治其中臟者唇吻不收舌

不轉而失音鼻不聞香臭耳聾而眼瞽大小便秘結皆曰  
中臟也其病多難治若風中腑者先以加減續命湯隨証  
發其表如兼中臟則大便多秘澁宜以三化湯通其滯表  
裏証已定別無變端後以大藥和而治之大抵中腑者多  
着四肢中臟者多滯九竅雖中腑者多兼中臟之証至于  
舌強失音久服大藥能自愈也

垣中血脉則口眼喎斜中腑則肢節廢中臟則性命危急  
此三者治各不同如中血脉外有六經之形証則從小續  
命湯加減及疎風湯治之如中腑內有便溺之阻隔宜三  
化湯或局方中麻仁丸通利之外無六經之形証內無便  
溺之阻隔宜養血通氣大秦羌湯羌活愈風湯治之中臟  
痰厥昏冒宜至寶丹之類鎮墜若中血脉中腑之病初不  
宜用龍麝牛黃為麝香入脾治肉牛黃入肝治筋龍腦入



腎治骨恐引風深入骨髓如油入麪莫之能出又不可一  
槩用大戟芫花甘遂瀉大便損其陰血則真氣愈虛言中  
臟者大小秘澀東垣言中腑者有便溺阻隔二說當以東  
垣為主蓋大小秘結不中臟者亦有之中臟者亦有大小  
便不秘  
結者也

○中淺半身偏痛舌能言

難經所謂偏枯身偏不用而痛言不變志不亂病在分腠  
是也

方解表雜

仲三黃湯治中風手足拘急百節疼痛煩熱心亂惡寒終  
日不欲飲食陳無擇兼半身不遂失音不言

黃芪二錢

獨活四錢

細辛二錢

麻黃五錢

黃芩三錢

右五味以水六升煮取二升分溫作三服一服小汗二  
服大汗心熱加大黃二錢腹滿加枳實一枚氣逆加人

參三錢悸加牡蠣三錢渴加瓜蒌根三錢先有寒加附  
子一枚

繫踈風湯治半身不遂或肢體麻痺筋骨疼痛

麻黃去節三兩

益智仁

杏仁去皮尖各一兩炒

甘草炙

升麻各五錢

右咬咀每服一兩水一小碗煎至六分去渣熱服脚踏  
熱水葫蘆候大汗出去葫蘆冬月不可服

海極濟換骨丹自汗者不宜服

槐皮芎木芷

仙人防首蔓

十味各停勻

苦味香減半

龍麝加少許

硃砂作衣纏

麻黃膏煎丸

大小如指彈

右治半身不遂口眼喎斜手足不仁言語蹇澀或痛入  
骨髓或痺在皮膚或中急風涎潮不言精神昏塞行步



艱難筋脉拘急左癱右瘓一切風疾並皆治之

槐筴子生 人參 桑白皮 蒼朮

川芎 何首烏 蔓荊子 葳靈仙

防風各二兩 五味子 木香 苦參各一兩

香白芷二兩 麝香二錢 另研 龍腦二錢 辰砂五錢 另研

右十四味為細末入麝香令勻又用麻黃十斤去根節用大河水三石三斗熬至六斗去滓再熬至三斗半入銀石器內熬成膏入前藥末和勻杵三五千下藥一兩作十九硃砂為衣每服一丸先搗碎酒一盞浸自晨至晚食後臨卧攪勻服之神清無睡是藥之驗更隔五日服之如無汗宜服若體自汗服之是重亡津液也若風盛人于密室溫臥取汗

羅續命丹治男子婦人卒中諧風口眼喎斜言語蹇澀

關緊急半身不遂手足搐搦頑痺疼痛涎潮悶亂婦人風喘嗽吐逆坐臥不寧

川芎 羌活 南星姜製 川烏

白蘚皮 海桐皮 肉桂 當歸

防風 熟地 乾葛各一兩 地榆

虎骨 硃砂 鉛白霜 烏蛇生

牛黃 雄黃各三錢 輕粉二錢

麻黃去節四兩以好酒三升 煮一升不用麻黃用酒

右為末以麻黃酒汁入蜜半斤熬成膏和藥為丸彈子大每服一丸荏淋酒下或葱湯化下不拘時候中書左丞張仲謙患半身不遂麻木大醫劉子益與服之汗大出一服而愈

本服桑枝法桑枝一小升細切炒香以水三大升煎取二

行中道 雜方



寒

升一日服盡無時圖經云桑枝温平不凉不熱可以常服  
療體中風痺乾燥脚氣風氣四肢拘攣上氣眼暈肺氣咳  
嗽消食利小便又服神效聽明耳目令人光澤兼療口乾  
仙經云一切仙藥不從煎煎不服出抱朴子政和間何子  
常病兩臂痛服諸藥不效依此作數劑臂痛即愈  
外療偏風半身不遂冷痺疰附子一兩生用咬咀納于無  
灰酒中經一七日隔日飲之服一小合瘥

中深半身不收舌難言

經所謂痲之為病身無痛四肢不收志亂不甚具言微知  
可治甚則不能言者是也

風症辨

丹今世所謂風病多與痿証滾同論治良由局方多以治  
風之藥通治諸痿也古聖論風痿各有篇目源流不同治  
法亦異不得不辨按風論風者百病之長至其变化乃為

疰病又曰善行數變曰因于露風曰先受邪曰在腠理曰  
客曰入曰傷曰中歷陳五臟與胃之傷皆多汗而惡風其  
發明風邪係外感之病有臟腑內外寒熱虛實之不同若  
是之明且盡也別無癱緩痿弱卒中不省僵仆喎邪攣縮  
眩運語澁不言之文也或曰吾子謂內經風論主于外感  
局方用麻黃桂附葷將以解風寒也用腦麝葷莫仙黑牽  
牛葷將以行凝滯也子之言過矣曰風病外感善行數變  
其病多實少虛發表行滯有何不可治風之外何為又歷  
述神魂恍惚起便須人手足不隨神志昏憤癱緩躄曳手  
足筋攣眩運倒仆半身不遂膝脚緩弱四肢無力顫掉拘  
攣不語語澁等諸痿症兼治之考諸痿論肺熱葉焦五臟  
因而受之發為痿躄心氣熱生脈痿故經縱不任地肝氣  
熱生筋痿故宗筋弛縱脾氣熱生肉痿故痺而不仁腎氣



熱生骨疼故足不任身又曰諸痿皆生于上謂之上者指病之本在肺也又曰昏惑曰瘖癡曰瞽昧曰暴病曰鬱冒曰朦昧暴瘖曰瞽聰皆屬于火又曰四肢不舉曰舌木強曰足痿不收曰痰涎有聲皆屬于上又禮記註曰魚肉天產也以養陽作陽德以為倦怠悉是濕熱內傷之病當作諸痿治之何局方治風之方兼治痿者十居八九不思諸痿皆起于肺熱傳入五臟散為諸症大抵只宜補養若以外感風寒治之寧免實實虛虛之禍乎風病外感之邪有寒熱虛實而挾寒者多痿病內熱之傷皆是虛証無寒可散無實可瀉局方本為外感立方而以內傷熱証滾同一治其為害也似非細故

用溪補中帶攻

右丹溪諸論蓋因局方治中風蓋浪用發表行濕之藥戕賊血氣誅伐根本不知補養之法故引痿病以救局

方之失而其言如此然局方所述中風手足不隨起便須人神魂恍惚不語語澀等証即內經熱病相同至于異處不得不察針經刺節真邪云真氣去邪獨留發為偏枯痿論云陽明虛則宗筋縱帶脉不引而足痿不川由是知手足不隨者在偏枯手足為邪氣阻塞脉道而然在痿病則陽明虛宗筋縱帶脉不引而然也痺病有言變志亂之症痿病則無之也痺病又名風痺而內傷外感兼備痿病獨得于內傷也痺病發于擊仆之暴痿病發于怠惰之漸也凡此皆明痺與痿明是兩疾也大率治風主血虛有痰治痿為先或作屬虛挾火與濕半身不遂者大率多痰在左屬死血在右屬痰 左以凶物湯等加桃仁紅花竹瀝姜汁 右以二陳四君子湯等加竹瀝姜汁 氣虛有痰者濃煎獨參湯加竹瀝姜汁 聲

風病治  
痰為先  
左右氣  
血之分



如鼯者屬氣虛以人參一兩煎湯一盞入竹瀝姜汁 遺  
 尿者亦屬氣虛以參芪竹瀝姜汁與之少食者亦為氣虛  
 宜參芪竹瀝 血虛有痰宜四物湯俱用姜汁炒恐泥痰  
 再加竹瀝入內服 治痰若氣虛少食者用竹瀝氣實能  
 食者加荆瀝此二味開經絡行氣血入四物湯中必少用  
 姜汁肥人多濕用附子烏頭行經肥人中風口喎手足麻  
 木左右俱作痰治用

具母 瓜蒌 南星 半夏 陳皮 黃芩 白朮  
 黃連 羌活 黃柏 防風 荆芥 歲莢仙 薄荷  
 桂心 甘草 天花粉 多食濕麪加附子竹瀝姜汁

酒一匙行經

<sup>瘦人多</sup>瘦人脉虛火實四物湯加牛膝竹瀝一匙行經黃芩黃柏  
 有痰加痰藥痰壅盛者口眼喎邪者不能言者皆當用吐

法輕者用瓜蒂蝦汁皂角急者用黎蘆五分或三分加射  
 香灌入鼻內吐痰出如口不禁者灌入口內吐痰出一吐  
 不已再吐之亦有虛而不可吐者有痰者先吐後用藥  
 羅風中腑兼中臟治驗○順德府張安撫耘夫年六十一  
 歲于己未閏十一月初患風証半身不遂語言蹇澁心神  
 昏憤煩躁自汗表虛惡風如洒冰雪口不知味鼻不聞香  
 臭耳聞水音則驚怖小便頻多大便秘結燥欲用大黃之類  
 下之則平日飲食減少不敢用不然則又滿悶晝夜不得  
 瞑目而寐最苦于此約有三月餘凡三易醫病全不減至  
 庚申三月七日又因風邪加之痰嗽咽乾燥疼痛不利唾  
 多中腕氣痞似噎予思內經云風寒傷形憂恐忿怒傷氣  
 氣傷臟乃病臟病形乃應又云人之氣以天地之疾風名  
 之此風氣下陷入陰中不能生發上行則為疾矣又云形



樂志苦病生于脉神先病也邪風加之邪入于經動無常處前証互相出見治病必求其本邪氣乃服論時月則宜升陽補脾胃瀉風木論病則宜實表裡養衛氣瀉肝木潤燥益元氣慎怒是治其本也宜以加減冲和湯主之

柴胡

黃芪各五錢

升麻

當歸

甘草各三錢

半夏

黃柏酒洗

黃芩

陳皮

人參

芍藥各二分

右咬咀作一服水二盞煎至一盞去渣溫服自汗加黃芪五分五味子二十粒晝夜不得睡乃因心事煩擾心火內動上乘陽分衛氣不得交入陰分故使然也以硃砂安神丸服之由是晝亦得睡十日後安無曰不得睡三月有餘今困睡不已莫非它病生否予曰不然衛氣者晝則行陽二十五度夜則行陰二十五度此衛氣交

入陰分循其天度故安撫得睡也何病之有焉止有眼白睛紅隱澁難開宜以當歸連翹湯洗之

黃連

黃柏各五錢

連翹四分

當歸

甘草各三分

右作一服水二盞煎至一盞去渣時時熱洗十三日後至日晡微有悶亂不安于前冲和湯中又加柴胡三分以升少陽之氣飲三服至十五日全得安卧減自汗惡寒燥熱胃膈痞元小便多服藥後小便減少大便一二日一行鼻聞香臭口知味飲食如常脉微弦而柔和按之微有力止有咽喉中妨悶會厭後腫舌赤早晨語言快利午後微澁宜以玄參升麻湯治之

升麻

黃連各五錢

黃芩炒四分

連翹

桔梗各三分

鼠粘子

玄參

甘草



姜蚕各三分 防風一分

右咬咀總作一服水二盞煎至七分去渣稍熱噙漱時  
特咽之前症良愈止有牙齒無力不能嚼物宜以牢牙  
散

牢牙散治牙齒無力不能嚼物

羊脛骨灰 升麻各二分 生地 黃連

石膏各一分 白茯苓 人參各五分 梧桐淚三分

右為細末入麝香研勻臨臥擦牙後以溫水漱之

安撫初病時右肩臂膊痛無主持不能舉動多汗出肌  
肉瘦不能正臥臥則痛甚經云汗出阻使人偏枯余  
思針經云虛與實隣決而通之又云留瘦不移節而刺  
之使經絡通和血氣乃復又云隔下者灸之為陰氣下  
隔入陰中肩膊時痛不能運動以火導之火引而上補

之溫之已上症皆宜灸刺為此先刺十二經之井穴于  
四月十二日右肩臂上肩井穴內先針後灸二七壯及  
至灸瘡發于枯瘦處漸添肌肉汗出少肩臂微有力至  
五月初八日再灸左肩井次于尺澤穴各灸二十八壯  
引氣下行與正氣相接次日臂膊又添氣力自能搖動  
矣時值仲夏暑熱漸盛以清肺飲于補肺氣養脾胃定  
心氣

白芍藥五分 人參 升麻 柴胡各四分

天門冬 麥門冬各三分 陳皮二分 甘草生

甘草炙 黃芩 黃柏各二分

右咬咀作一服水三盞煎至一盞去渣溫服食後汗多  
加黃芪五分後以潤腸丸

潤腸丸治胃膈痞滿大便澀滯



麻子仁另研

大黃酒煨各一兩半

枳實

白芍藥

桃仁泥

升麻兩半

人參

甘草生

陳皮各三錢

木香

檳榔各二錢

右除桃仁麻仁外為末却入二仁泥蜜和丸如桐子大每服七八十九溫水食前服初六日得處暑節暑猶未退宜微收實皮毛益胃氣秋以胃氣為本以益氣調榮湯主之藥中加時藥使邪氣不能傷也

人參

三分為臣益氣和中

陳皮

二分為佐順氣和中

熟地

二分為佐養血潤燥瀉陰火

白芍藥

四分為佐補脾微收肝木之邪

白朮

二分為佐養胃和中厚腸胃

升麻

二分為佐使使陽明氣上升滋榮百脉

當歸

二分為佐和血潤燥

黃芪

五分為君實皮毛止自汗益元氣

半夏

二分為佐和胃進食

甘草

二分為佐和胃氣溫中益氣

柴胡

二分為使引少陽之氣出於胃中少風行於天上

麥門冬

三分為佐猶有暑氣未退故加之安肺氣至秋分節不用

右咬咀作一服水二盞煎至一盞去渣溫服忌食辛熱之物反助暑邪秋氣不能收正氣得復而安矣

厥逆者溫補之

素太陰所謂入中為瘖者陽盛已衰故為瘖也內奪而厥

則為瘖辨此腎虛也少陰不至者厥也脈解篇王註云辨瘖也腎氣內奪則

舌瘖足廢

河地黃飲子治舌瘖不能言足廢不能用腎虛弱其氣厥不至舌下

熟地

巴戟

山茱萸

肉蓯蓉酒浸焙

石斛

附子炮

五味子

白茯苓

菖蒲

遠志去心

官桂

麥冬去心各等分

右為末水一盞半每服三錢生姜五片棗一枚薄荷同煎至八分不拘時服



肘治中風四肢逆冷吐清水婉轉啼呼者取桂二兩咬咀  
以水三升煮取二升去渣適寒溫盡服

熱煩者  
禁補之

干地黄煎治熱風心煩悶及脾胃熱不下食冷補方

生地汁

枸杞根汁各二升

生姜汁

酥各三升

荆瀝

竹瀝各五升

天門冬

人參各八兩

茯苓各六兩

大黃

梔子各四兩

右十一味擣後五味為細末先煎地黄等汁成煎次納

藥末攪勻每服一七日再漸加至三七覺利減之

荆瀝湯治患風人多熱宜服

荆瀝

竹瀝

生姜汁各五升

右三味相和溫煖為一服每日且服煮散午後進此平

復乃止

煮散見後解  
表雜方條

口禁藥  
不下者

衍唐王太后中風不能言脉沉而口噤醫人許胤宗曰既

薑

不能下藥宜湯氣薰之藥入腠理週時可瘥人煎黃芪防

風湯數斛置床下氣如烟霧薰之其夕便得語藥力薰蒸

其效如此

丹溪云人之口通乎地鼻通乎天口以養陰鼻以養陽

天主清故鼻不受有形而受無形地主濁故口受有形

而兼乎無形王太后病風不言而脉沉其急非大補不

可也若以有形之藥湯緩不及事今以黃芪防風煎湯

氣如烟霧滿室則口鼻俱受非智者通神之法不可為

也

雜方

食主風中心氣風熱手足不遂及風痺不任筋脉五緩恍

惚煩躁熊肉二斤切如常法調和作醃腊空肚服之

肘中緩風四肢不收者豉三升水九升煮三升分為三服

日二服亦可酒漬飲之 治卒風中不得語煮豆煎汁如



飴含之亦可濃煮飲之佳

聖治卒風中不語舌根強硬陳醫五合三年者妙人乳汁五合二件相和研以生布絞取汁不計時候少少與服久當愈

肘治中風卒不得語以苦酒煮白芥子附頸一周以綿裹之一日夕而瘥

凡治中風莫如續命之類然此可扶持初病若要收全功火艾為良中風皆因脉道不利血氣閉塞也灸則喚醒脉道而血氣得通故收全功

本凡中風續命排風引竹瀝諸湯及神精丹茵芋酒之類更加以灸無不愈者然此疾積聚之久非一日所能攻皆大劑久而取效唐書載王太后風瘖不語醫者蒸黃芪防風湯數斛以薰之得瘥蓋此類也今人服三五盞求效

則責醫也亦速矣孟子曰七年之病必求三年之艾久而

後知爾

仲景後中帶補

仲續命湯治中風痲身體不能自收口不能言胃昧不知痛處或拘攣不能轉側

麻黃六兩

桂枝二兩

當歸

人參各一兩

石膏四兩

乾姜

甘草

芍藥各一兩

杏仁三十枚

右九味以水一斗煮取四升溫服一升當小汗薄覆脊憑几坐汗出則愈不汗更服無所禁勿當風并治肺風但服不得臥咳逆上氣面目浮腫

解表

續命湯治中風外有六經之形証先以加減續命湯隨証治之

麻黃去節

人參

黃芩

芍藥

甘草炙

川芎

杏仁炒去尖

防已



官桂

防風各一

附子炮去皮  
劑半兩

右除附子杏仁外搗為粗末後入二味令勻每服五錢

水一盞半生姜五片煎至一盞去渣稍熱服食前

如無汗惡寒者加 麻黃 防風 杏仁 右依本方

加一倍宜針太陽經至陰出血 如有汗惡風者加

桂枝 芍藥 杏仁 右依本方加一倍宜針風府已

上二証太陽中風也 如身熱無汗不惡寒者加 知母 石膏 甘草 如

身熱有汗不惡寒者加 葛根 桂枝 黃芩 右依

本方加一倍宜針陷谷刺厲兌針陷谷者去湯明之賊

也刺厲兌者瀉陽明之實也已上二証陽明中風也

如無汗身涼者加 附子 乾姜 甘草 宜針隱白

去太陰之賊也此一証太陰中風也

如有汗無熱加 桂枝 附子 甘草 若依本方加

一倍宜針太溪此一証少陰中風也

如無此四証六經混淆繫于少陽厥陰或肢節攣痛或

麻木不仁宜羌活連翹續命湯

小續命湯羌活  
兩

活兩 連翹六兩

右古之續命混殺無經今立分經治療又各分經針刺

無不愈也治法宜刺厥陰之井大敦以通其經灸少陽

之經絕骨以引其熱是針灸同象治法之大體也

附雲岐子加減法 如精神恍惚加 茯苓 遠志 如

心煩多驚者加 犀角兩 如骨節間煩庸有熱者去附

子倍芍藥 骨間冷痛者倍用桂枝附子 如燥悶小便

澁者去附子倍芍藥入炒瀝一合煎服 如臟寒下痢者

去防已黃芩倍附子白朮一兩熟痢不可  
用附子 如脚弱加牛



膠石斛各一兩 如身疼痛加秦艽一兩 如腰痛加桃  
 仁杜仲各半兩 如失音加杏仁一兩 如或歌笑語無  
 所不及者用麻黃三兩 人參桂枝白朮各二兩 無附子防  
 風生姜有當歸一兩 自汗者去麻黃杏仁加白朮 春加  
 麻黃一兩 夏加黃芩七錢 秋加當歸四兩 冬加附  
 子半兩

攻裡內有便溺之阻隔復以三化湯導之

厚朴姜製 大黃 枳實 羌活各等分

右剉如麻荳大每服三兩水三升煎至一升半服之以  
 微利則已如內邪已除外邪已盡當從愈風湯以行中  
 道久服大風悉去縱有微邪只從愈風湯加減治之然  
 治病之法不可失于通寒或一氣之微汗或一旬之通  
 利此為常治之法也久則清濁自分榮衛自和矣

不遂

羌活愈風湯療肝腎虛筋骨弱語言難精神昏憤及治風  
 濕內弱者是風熱體重也或瘦而一枝偏枯或肥而半身  
 不遂或恐而健忘喜而多思思忘之道皆精不足也故心  
 亂則百病生靜則萬病息是以此藥能安心養神調陰陽  
 無偏勝保命集云內邪已除外邪已盡當服此藥以行中  
 道久服大風悉去縱有微邪只從此藥加減  
 服之如覺風動  
 服此不致倒仆

羌活	甘草 <small>炙</small>	防風 <small>去</small>	黃芪 <small>去</small>
蔓荊子	川芎	細辛 <small>去</small>	枳殼 <small>炒去</small>
人參 <small>去</small>	地骨皮	麻黃 <small>根去</small>	知母 <small>去</small>
甘菊	薄荷	枸杞	當歸 <small>去</small>
獨活	白芷	杜仲 <small>炒去</small>	秦艽 <small>去</small>
芍藥 <small>去</small>	黃芩	白茯苓 <small>已上各</small>	
石膏 <small>三兩</small>	生地	谷朮 <small>各四兩</small>	肉桂 <small>一兩</small>



右剉每服一兩水二盞煎至一盞去查溫服如遇天陰  
加生姜三片煎空心一服臨臥再煎查服俱要食遠服  
空心嚥下二升丸謂之重劑臨臥嚥下四白丹謂之輕  
劑是動以安神靜以清肺 假令一氣之微汗用愈風  
湯三兩加麻黃一兩勻作四服每服加生姜五七片空  
心服以粥投之得微汗則佳 如一旬之通利用愈風  
湯三兩大黃一兩亦勻作四服如前煎臨臥服之得利  
為妙常服之藥不可失四時之輔如望春大寒後加半  
夏柴胡人參各二兩木通四兩此迎而奪少陽之氣也  
望夏加石膏黃芩知母各二兩此迎而奪陽明之氣  
也 季夏之月加防已白朮茯苓各二兩此勝脾上之  
濕也 秋初大暑後加厚朴藿香各二兩桂一兩此迎  
而奪太陰之氣也 望冬霜降後加附子宮桂各一兩

當歸二兩此勝少陰之氣也 如得春減冬所加藥四  
時類此此藥治七情六慾四氣無使五臟偏勝及不動  
于榮衛如風秘服之永不燥結如久瀉服之能自調適  
初覺風氣便服此藥與局方天麻丸一料相為表裡乃  
治未病之聖藥也不問男子婦人小兒風癩急慢風等  
病服之神効

四白丹能清肺氣養魄為中風者多昏冒氣不清利也

白朮

白茯苓

人參

砂仁

香附

甘草

防風

川芎各半兩

白芷兩

白檀半錢

知母二錢

羌活

薄荷

獨活各二錢半

細辛二錢

麝香一錢另研

牛黃錢一

龍腦半錢俱

藿香半錢

甜竹葉兩

右為細末煉蜜丸如桐子大每兩作十九臨臥嚼一丸



用愈風湯送下能上清肺氣下強骨髓

二册丸治健忘養神定志和血內以安神外華腠理

熟地 天冬 丹參各一 茯神

甘草各一 菖蒲半 遠志半兩 人參兩

麥冬一兩 硃砂二錢

右為細末煉蜜丸如桐子大空心用愈風湯送下至六

上丸

中風外無六經之形証內無便溺之阻格知為血弱不能  
養筋故手足不能運動舌強不能言語宜養血而筋自榮  
也當以秦艽湯主之

秦艽 石膏 甘草 川芎

當歸 羌活 獨活 防風

黃芩 白芍藥 白芷 白朮

生地 熟地 白茯苓各一兩 細辛半兩

右剉每服一兩水二鍾煎至一鍾去滓溫服無時如瘧

天陰加生姜七八片如心下痞每服一兩加枳實一錢

同煎

天麻丸行榮衛壯筋骨

天麻 六兩酒浸 玄參 六兩 牛膝 六兩酒浸

草薢 六兩另 杜仲 七兩剉 當歸 十兩

羌活 兩 生地 兩 附子 兩

獨活 五兩一

右為細末煉蜜丸如桐子大每服五七十丸病大至百  
丸空心食前溫酒或白湯服忌壅塞失于通利故服藥  
半月稍覺壅塞微以七宣丸輕疎之使藥可為用也  
如素有痰久病中風津液湧溢在胸中氣不得利者用獨

痰用吐法



聖散吐之吐後用利氣瀉火之劑

獨聖散治諸風隔痰諸癰痰涎津液湧溢用苳蒂一兩炒黃色為末每服量虛實又新或二錢藥末茶一錢酸齏汁一鍾調下若用吐法須天氣清明陰晦無用如病卒暴者不拘此法吐時宜辰卯二時故內經云平旦至日中天之陽陽中之陽也若論四時之氣仲景大法春宜吐是天氣在上人氣亦在上一日之氣辰卯是其候也故宜早不宜夜先令病人隔夜不食如服藥不吐用熱薑水投之如吐風癰者加全蝎五分微炒如有虫者加香油五七點雄黃末一錢甚者加羌花五分立吐虫出如濕腫滿者加赤小荳末一錢此藥不可常用大要辨其虛實實則瓜蒂散虛則梔子豉湯蒲加厚朴不可一槩用之吐罷可服降火利氣安神定志之劑

清熱

鮮表維方

瀉瀉清丸治中風自汗昏冒發熱不惡風寒不能安臥此是風熱煩躁方見治虛實決

庸一婦人年六十左癱手足不語涎痰

防風 荆芥 羌活 南星

沒藥 乳香 木通 茯苓

厚朴 桔梗 甘草 麻黃

全蝎 紅花

右作末酒湯下不拘時春脉漸伏以淡鹽湯盪汁每早一碗吐五日仍以白朮甘草陳皮厚朴薑蒲一日二貼後以川芎山梔豆豉瓜蒂蒸荳粉盪湯吐了用蒼朮南星生姜牛膝茯苓酒糊丸服十日後夜間微汗手足動而能言

千竹瀝湯治風痲四肢不收心神恍惚不知人不能言方



患熱風者必先用此以制熱毒

竹瀝升二 生葛汁升一 生姜汁升五

右三味相和溫服分三服平日日晡夜各一服服訖覺

四肢有力次進後湯方

竹瀝升一 生葛汁升五 芎藭 防已

附子 人參各一 羚羊角三 芍藥

黃芩 甘草 桂心各一 生姜四

石膏六 杏仁四十 麻黃 防風各一

右十六味咬咀以水七升煎減半納瀝再煮取二升五合分三服取汗間五日更服一劑頻服三劑漸覺少損

仍進後方

竹瀝升三 防風 升麻 羚羊角

防已 桂心 芎藭各二 麻黃三

右八味咬咀以水四升合竹瀝煮取二升半分三服兩

日服一劑常用加獨活三兩此方神良頻進三劑若手

足冷者加生姜五兩白朮二兩若未除更進後服

竹瀝升一 甘草二 人參 芎藭

獨活 升麻各二 防風 麻黃

芍藥各一 羚羊角 生姜 石膏

附子一作杏仁 防已 桂心 黃芩

白朮各二 右十七味咬咀以水八升煮減半納瀝煮取二升半分

三服相去如行人十里又更服若有氣者加陳皮牛膝

五加皮各一兩

凡風痺服前湯得瘥訖可常服者散除餘風方

防已 防風 獨活 秦艽



黃芪	芍藥	人參
白朮	羚羊角	遠志
升麻	牛膝	五加皮
丹參	厚朴	天門冬
陳皮	黃芩	桂心 <small>各一兩</small>
乾地黄	杜仲	麻黃
檳榔	藁本	烏犀角 <small>各兩</small>
石膏 <small>六兩</small>		艾薏仁 <small>一升</small>

右三十三味搗篩為粗散和攪勻每服以水三升藥三兩煮取一升綿濾去渣頓服之取汗日服若覺心中熱煩以竹瀝代水煮之

世治卒中風不語桂枝薄辣者去皮一兩懷中藏三升時辰分三服水煎併進神効

右解表諸方治中風全不能語經所謂甚則不能言者是也

羅犀角防風湯治一切諸風口眼喎斜手足躄拽言語蹇澁四肢麻木皆治之

犀角	防風	甘草 <small>炙</small>	天麻
羌活 <small>各一兩</small>	滑石 <small>三兩</small>	石膏 <small>一兩半</small>	麻黃 <small>七錢半</small>
獨活	山茱 <small>各七錢</small>	荆芥	連翹
當歸	黃芩	全蠍	薄荷
大黃 <small>各半兩</small>	桔梗	白朮	細辛 <small>各四錢</small>

右以咀每服五錢水二盞生姜十片煎至一盞去渣稍熱服未汗再一服如病人臍氣虛則全減大黃

輕骨丹治風癱瘓四肢不隨

苦參	桑白皮	白芷	蒼朮
----	-----	----	----



甘松

碗半

川芎各四兩

麻黃

去下五升河水五升煮去查再熬成膏至

右爲末入前麻黃膏和丸如彈子大每服一丸溫酒研

化服之臥取汗五七日間再服手足當即輕快卒中涎

潮分利後用之一方有浮萍四兩

風藥聖餅子治半身不遂手足頑麻口眼喎斜痰涎壅盛

及一切風他藥不効者小兒驚風大人頭風婦人血風並

治之

川烏生

草烏

麻黃

去口各二兩

蒼朮

何首烏

白附子

白姜蚕

川芎各五兩

防風

乾姜各二兩半

雄黃四分

藿香

荆芥各二兩半

右爲末醋糊丸如桐子大捏作餅子嚼碎茶湯送下食

後

世採浮萍草法并方 不在山兮不在岸採我之時七月

半一任癰風與瘋風些少微風都算豆淋酒內下三錢

鐵僕頭上也出汗

本治風半身不遂此方甚妙

川山甲

左癰用左脚右癰用右脚

川烏頭

紅海蛤各二兩

右爲末每用半兩生葱自然汁調成膏作餅子約一寸

半左患貼左脚右患貼右脚貼在足掌心內用舊絹片

緊扎定于密房中無風處椅子上坐用湯一盆將有菜

脚浸于湯中用小心人扶病人恐汗出不能支持候汗

出急去藥如汗欲出時身必麻木以汗週遍爲妙如未

効半月後再用一次神妙

世治卒中手足不遂用麥麩五升入烏頭尖一升連翹半



升同醃炊令大熱鋪在席下以手足不遂處臥之令熱氣薰蒸候出汗為度日用三次元藥再蒸用之候兩日外別用新藥如無烏頭尖只用草烏頭半升不去皮尖研作粗末亦可

干治半身不遂用蚕沙兩石分作三袋每袋可七斗蒸熟一袋着患處如冷再換一袋依前法數數換易百不禁瘥止須羊肚釀粳米葱白姜椒豉等煮爛熟喫日食一具十日此方千金不傳

右解表方治中風語言蹇澁經所謂志亂不甚其言微知者是也

通裡雜方

羅中臟治驗○真定府臨濟寺趙僧判于至元八月間患中風半身不遂精神昏憤面紅頰赤耳聾鼻塞語言不出診其兩手六脉弦數常記紫古有云中臟者多滯九竅中

腑者多着四肢今語言不出耳聾鼻塞精神昏憤是中臟也半身不遂是中腑也此臟腑俱受病先以三化湯一兩內踈二三行散其壅滯使清氣上升充實四肢次與至寶丹加龍骨南星安心定志養神使各臟之氣上升通利九竅五日音聲出語言稍利後隨四時脉証加減用藥不旬日稍能行步先以繩絡其病脚如履闕或高處得人扶之方可踰也又刺十二經之井穴以接經絡翌日不用繩絡能行幾步百日大勢皆去戒之慎言語及節飲食一年方愈

予和一衲子因陰雨臥濕地一年手足皆不遂若遇陰雨其病轉加諸醫皆作中風偏枯治之用當歸芍藥乳香沒藥自然銅之類又服反加大便澁風燥生經歲不已戴人以舟車丸下三十餘行去青黃沫水五升次以淡劑滲泄



之數日手足能舉戴人曰受風濕寒三氣合而為痺水濕得寒而浮畜于皮膚之間久而不去內舍六腑宜用去水之藥可也水濕者人身中之寒物也寒去則血行血行則氣和氣和則愈矣

世治中風大便秘者用不蛀皂角燒灰為細末每服一錢米飲下

行中道  
雜方

本發簽丸稀簽俗呼火欵草莖葉頗類蒼耳春生苗葉秋初開花秋末結實法于五月五日六月六日九月九日採其葉去根莖花實或云秋花成實後和枝取用洗淨曝乾入甌中用酒蜜蒸之九遍焙乾搗篩為細末煉蜜丸如桐子大空心用溫酒或米飲下四五十丸張乖崖進表云誰知至賤之中乃有殊常之効臣服至下服眼目清明服鬚髮變黑筋骨強健又云甚益元氣療諸疾患脩

人服無不効

羅正舌散治中風舌強語澁

雄黃研

荊芥各等分

右為末每服二錢用豆淋酒調下

茯神散治証同前

茯神心剉

薄荷焙二

蝎稍去毒二

右為末每服一二錢溫酒調下

困治風在肝脾語澁脚弱大便多秘地黃酒

熟地兩

附子

茵芋

羌活

防風

芎藭各一

石斛二

丹參二兩

牛蒡根二兩

牛膝

杜仲

桂枝各半

大麻子升

右剉入絹袋盛寬貯之用無灰酒一斗九升封漬七日



逐日空心食前後飲一盞常醺勿令吐

治中風內虛脚弱語謇防風湯

石斛半兩

地黃

杜仲

丹參

防風

川芎

麥門冬

桂心

獨活各一兩

右為粗末每服五錢水一大盞半棗三枚同煎去渣溫服

服

治中風入肝脾經四肢不遂舌強語謇竹瀝湯

葦薑仙

附子

桔梗

防風

蔓荊子

枳殼

川芎

當歸各一分

右為粗末每服四錢水一盞竹瀝半盞生姜四片同煎

至八分去渣溫服日三四忌口

治久風邪入肝脾二經言語不轉防已湯

漢防已

方四

桂心

附子八分

葦薑仙

麻黃半兩

右為粗末每服四錢水一盞引子半盞煎七分去渣溫服日三四引子用竹瀝荆瀝地黃汁各一盞生姜汁拌

勻用之已上四方龐先生傳審而用之良驗

子獨活煮散治風痺

獨活八分

芎藭

芍藥

茯苓

防風

防已

葛根各六兩

羚羊角

當歸

人參

麥門冬

桂心

石膏各四兩

磁石耐

甘草三兩

白朮五兩

右十六味各切剉分為二十四服每服生姜生地切作

一升杏仁二七枚以水二升煮取七合或日晚或夜中

或日一服或間日服



羅局方至寶丹治風中臟方見局方

聖保命金丹治中風口眼喎斜手足躄拽言語蹇澁四肢不舉晨昏痰多

貫仲兩一

生地錢七

大黃兩半

青黛

板藍根各三錢

硃砂研

蒲黃

薄荷各二錢半

珠子研

龍腦研各一錢半

麝香研一錢

牛黃半錢研

右為末研和藥勻蜜丸如雞荳大每服一丸細嚼茶清送下新汲水亦得如病人嚼不得薄荷湯化下無時此藥墜痰涎大有神効用金箔為衣

活命金丹治中風不語半身不遂肢節痺疼痰涎潮上咽噎不列胸膈痞滿上實下虛氣閉面赤汗後餘熱不退勞病諸藥不治無問男女老幼皆可服

板藍根

貫仲

甘草

乾葛各一錢

桂心

苦硝兩

大黃兩一兩

珠子粉

牛黃研

青黛

生犀屑

薄荷各五錢

辰砂四錢研一錢為衣

麝香研

龍腦二錢

右為末和勻蜜水浸蒸餅為劑每兩作十丸就濕用硃砂再用金箔四十片為衣臘月修合磁器收貯多年不壞如療風毒茶清化下解毒藥新汲水化下汗後餘熱勞病及小兒驚風熱病用薄荷湯化下

治痰雜方

海解語丸治中風語言不正

白附子

石菖蒲

遠志

全蠍

羌活

天麻

南星

白姜蚕

右為細末蜜丸如菉荳大服之

經治中風及壅滯旋覆花淨洗搗末煉蜜丸如桐子大夜臥茶湯下五九七九至十九 治中風不語喉中如拽鋸



聲口中涎沫取藜蘆一分天南星一枚去浮皮却干臍上  
剉一坑子內入藜蘆陳醋和麪包裹四面用火逼令黃色  
同搗再研極細生麪為丸如小葶大每服三丸温酒下

運氣

針灸

風氣勝也又云厥陰司天主勝則舌難以言是風氣虛也  
靈帝曰刺節言解惑夫子乃言盡知調陰陽補瀉有餘不  
足相傾移也惑何以解之岐伯曰大風在身血脈偏虛偏  
虛者不足實者有餘輕重不得傾側定伏不知東西不知  
南北乍上乍下乍反乍覆顛倒無常甚于迷惑黃帝曰善  
取之奈何岐伯曰瀉其有餘補其不足陰陽平復用針若  
此疾于解惑黃帝曰善刺節真辨論○盡知調陰陽補瀉  
候面部三候足部三候視其所候之症其脈實者瀉之虛  
者補之如陽經之脈實陰經之脈虛瀉其陽經補其陰經  
陰經之脈實陽經之則虛瀉其陰經補其陽經又如  
左實右虛瀉左補右實左虛瀉右補左之類是也

羅灸風中脈口眼喎斜

聽會二穴

頰車二穴

地倉二穴

凡喎向右者為左邊脈中風而緩也宜灸左喎陷中二七  
壯 凡喎向左者為右邊脈中風而緩也宜灸右喎陷中  
二七壯艾炷如大麥大

灸風中腑手足不遂等疾

百會一穴

肩髃二穴

曲池二穴

足三里二穴

絕骨二穴

風市二穴

凡覺手足痺或麻或痛良久乃已此將中腑之候宜灸此  
諸穴病在左灸右在右灸左

灸風中臟氣塞涎上不語極危者下火立効

百會一穴

風池二穴

大椎一穴

肩井二穴

曲池二穴

間使二穴



足三里二穴

凡覺心中憤亂神氣不怡或手足麻木此中臟之候也不問是風與氣可速灸此七穴五七壯日後再別灸之隨年壯止凡遇春秋二季可時時灸此七穴以泄風氣

凡人風發怕痛不肯灸忽然卒死是謂何病曰風入臟故也病者不可不知子自五月間口眼喎斜灸百會等三穴即正右手足麻木無力灸百會髮際等七穴得愈七月氣塞涎上不能語魂魄飛揚如墮江湖中頃刻欲絕灸百會風池等左右頰車二穴氣遂通吐涎半碗又下十餘行伏枕半月遂平復自後凡覺神氣少異于常即灸百會風池等穴無不立効

本范子默記崇寧中凡兩中風始則口眼喎斜次則涎潮閉塞左右共灸十二穴得氣通十二穴者謂聽會頰車地

倉頁曾有髑曲池風市足三里絕骨髮際大椎風池也依而用之無不効

羅中風鍼法出賢大師氣元歸類

手太陰

列缺偏風半身不遂

天府卒中惡鬼症不得安卧

手陽明

肩髃

曲池偏風半身不遂

足陽明

大巨偏枯四肢不舉

衝陽偏風口眼喎斜足緩不收

手太陽

腕骨偏枯在陽

足太陽

輔陽風痺不仁四肢不舉

足太陰

照海大風偏枯半身不遂善悲不樂

足少陽

陽陵泉半身不遂

環跳風眩偏風半身不遂

甲非痿臂腕不用唇吻不收合谷主之 偏枯不能行大風默默不知所痛視如善驚大巨主之 偏枯不能行大風默默不知所痛視如見星溺黃小腹熱咽乾照海主之 偏枯臂腕發痛肘屈



不得伸手又風頭痛出出肩臂頸痛項急煩滿驚五指掣  
不得屈伸戰惕腕骨主之

羅大接經從陽引陰治中風偏枯出雲岐子醫李新說

足太陽膀胱之脉出于至陰小指外側去爪甲如韭葉為

井三呼金科足少陰腎之脉湧泉起于小指之下斜趨足心

三呼手厥陰心包之脉其直者循中指中衝出爪甲如韭

葉陷中為井其支者別掌中小指次指出其端三呼手少陽

三焦之脉起小指次指之端去爪甲如韭葉為井三呼足

少陽膽之脉起足竅陰小指次指之端去爪甲如韭葉為

井其支者上入大指岐骨內出其端還貫爪甲出三毛中

三呼足厥陰肝之脉起大敦大指入叢之際去爪

甲如韭葉及三毛為井六呼手太陰肺之

井端出于少商大指內側去爪甲如韭葉為井

指山廉出其端 手陽明大腸之脉起大指次指之

次指內側去爪甲如韭葉為井一呼中指內交一呼足陽明

胃之脉起足大指次指之端去爪甲如韭葉為井其支者

入大指出其端一呼足太陰脾之脉起足大指端循指內

側去爪甲角如韭葉為井隱白是也一呼手少陰心之脉

起于小指內出其端循指內廉去爪甲角如韭葉為井

手太陽小腸之脉起手小指之端去爪甲下一分陷中為

井

大接經從陰引陽治中風偏枯

手太陰肺之脉起手大指端出于少商大指內側去爪甲

角如韭葉為井一呼手陽明大腸之脉起手大指次指

之端去爪甲如韭葉為井其支者入大指間出其端 足

陽明胃之脉起足大指次指之端去爪甲如韭葉為井其



支者入大指間出其端 足太陰脾之脉起足大指端循指內側去爪甲如韭葉為井隱白也 手少陰心之脉起手小指內出其端循指內廉去爪甲如韭葉為井 手太陽小腸之脉起手小指之端去爪甲下一分陷中為井 足太陽膀胱之脉起足小指外側至陰去爪甲如韭葉為井金 足少陰腎之脉起足小指之下斜趨足心為井湧泉穴也 手厥陰心包之脉其直者循掌中循小指次指爪甲如韭葉為井中衝穴也其支者循掌中循小指次指出其端 手少陽三焦之脉起手小指次指之端去爪甲如韭葉為井 足少陽膽之脉起于竅陰小指次指之端去爪甲如韭葉為井其支者上入大指岐骨內出其端還貫爪甲出三毛中 足厥陰肝之脉起足大指之端入叢毛之際去爪甲如韭葉為井大敦也六呼

大接經皆十二經井穴也此羅謙甫治趙僧判中臍刺十二井穴愈治張安撫中臍灸十二井穴愈內經所謂留瘦不移節而刺之是也

難陰躄為病陽緩而陰急陽躄為病陰緩而陽急

羅云治失音不語出賣大帥氣元歸類

手陽明 天鼎暴瘡并

手少陰 陰郄瘡不 合谷瘡不

足陽明 頰車 地倉不語飲食不收水漿漏落病右治左病左治右

手少陽 支溝暴瘡不 三陽絡暴瘡不

手太陽 天窓暴瘡不

足少陰 通谷暴瘡不

手厥陰 間使瘡不 頂門灸七 百會針入豆許先補後瀉屬多

國中風不語不省人事



又撮要法 中衝一分 大敦一分 百會一分

恠穴又法 十指尖出血此與詳之

玉中風失音 瘖門二分留三呼 人中三分留三 天

突 湧泉各五分 神門 支溝各三分 如舌急不語瘖門

分二 如舌緩不語風府分三

東陽卒中失音不能言語緩縱不隨天窓刺之一分灸五

十壯息火仍移灸百會五十壯畢復灸天窓五十壯始發

若先灸百會則風氣不得洩內攻五臟喜閉伏仍失音所

以先灸天窓

干治風痲不語手足不遂方 度病者男左手女右手小

指內岐間至指端為度以置臍上直望心下以朱塗度上

端畢又作兩度續所塗上合其下開其上取本度橫置

開上令三合其狀如▽形復以朱塗兩端畢二處同時起

火灸之各一百壯愈

河凡覺中風必先審六經之候慎勿用太熱藥烏附之類

故陽劑剛勝積若燎原為消狂瘡腫之屬則天葵絕而榮

涸矣

羅云中風人初覺不宜服臍麝恐引風入骨髓如油入麪

不能得出如潮痰盛不省人事煩熱者宜用下痰神効

鑿云中風如小便不利不可以藥利之既已自汗則津

外亡小便自少若利之使榮衛枯竭無以制火煩熱愈

當候熱退汗至小便自行也

丹治中風方續命排風越婢等悉能除去而千金多用麻

黃令人不得慮虛以風邪不得汗則不能泄也然此治中

風不汗者為宜若自汗者更用麻黃則津液轉脫反為大

禁忌

醫學綱目卷十

三十一



害中風自汗仲景雖處以桂枝湯至于不住發搐口眼  
動遍身汗出者豈勝對治此時獨活湯續命散能復榮  
衛却風邪不可缺也獨活續命散方見瘕瘵系

干治中風無密室者不可療強人居室不密尚中風邪况  
服藥之人乎服汗劑必依此法

丹寒則筋急熱則筋緩因于弛長縮因于短促若受濕  
則弛弛因于寬而長然寒與濕未嘗不挾熱三者皆因于  
濕然外濕非內濕無以啓之不能成疾致濕之由酒麪爲  
多魚與肉繼以成之若甘滑燒炙香辛硬物皆致濕之因  
戒之慎之 藥中肯綮矣若將理失宜雖聖醫不治也天  
產作陽氣浮發熱先哲格言但是患痿之人若不能淡薄  
食味吾知其必不能安全也和溪論非病為瘕 凡人初覺食指  
次指麻木不仁或不用者三年內必中風之候也宜先服

愈風湯天麻丸各一兩料此治之先也是以聖人治未病  
不治已病 中風人能食蓋甲已化土脾盛故能多食此  
脾愈一下克腎水腎水虧則病增宜廣服藥不欲多食病  
能自愈 中風多食風木盛也盛則克脾脾受敵求助于  
食經曰實則夢與虛則夢取當瀉肝木治風安脾脾安則  
食少是其養矣

肺脉微緩爲痿癱偏風頭已下汗出不可止全文見治虛實法  
脾脉微緩爲風痿四肢不用心慧然若無病同上經云脈緩者多熱

蓋風痿即風痺之類  
素胃脉沉鼓瀆胃外鼓大心脉小堅急皆偏枯男子發  
左女子發右不瘖舌轉可治三十日起其從者瘖三歲起  
年不滿二十者三歲死大奇論王註云從謂男發左女發右也

玄中風不語者爲病在心臟脉反沉者治難見効凡病脉



不應病者危

丹脉訣內言不治証見則不可治筋枯不治動則筋痛者是謂筋枯以其無血滋潤筋骨也

○產後中風

丹產後中風口眼喎斜必用大補氣血然後治痰當以左右手脉分其氣血多少以治切不可作中風治用小續命湯及發表治風之藥

雲治產後中風半身手足不遂言語蹇澁恍惚多忘精神不定

獨活

當歸

芍藥

防風

川芎

玄參

天麻

桂心

右收咀以水八升煮取二升半分為三服覺効更作一劑又作丸每服二十九丸如有熱加葛根五錢有冷加白

小五錢

若有氣症加生姜一兩半若手足不遂加牛

膝一錢半葶藶三錢黃芪四錢

若腹痛加當歸芍藥

七錢半

若不食加人參五錢玄參一兩若寒中三

陰所患必冷小續命湯加姜煎若暑中三陽所患必

熱小續命湯去附子減桂心一半加薄荷煎

保血氣湯治產後諸風痿痺無力

秦艽

羌活

防風

白芷

川芎

芍藥

當歸

白朮

茯苓

熟地各等分

右為末一半蜜丸一半散酒調下五七十九妙

食治產後風虛五緩六急手足頑痺氣血不調大豈一升炒令熟熟投三升酒中密封飲之

小品治產後中風語澁四肢拘急羌活二兩為末每服五



錢水酒各半盞煎去查溫服

右產後中風用續命湯及羌活發散之藥必詳氣血以四物四君子相與各半停對分兩服之可也

口噤 中倒之初有口噤者故附之

實開關法

丹口噤搗鼻用鬱金黎蘆為末水調搗之 治口噤卒不得語附子杵末內管中吹喉中立安 千金翼云吹喉中恐是吹鼻中

○

經治急中風目瞑牙噤無門下藥者用此末子以中指蘸末搯大牙左右二三十遍其口自開始得下藥名開關散

天南星搗為末白龍腦二件各等分研五月五日午時脩治者只一字至半錢効涎盛者吐之

吐痰法

簡治中風口噤涎潮壅塞吐涎方用皂角一挺去皮塗猪脂炙黃為末每服一錢七非時溫酒服如氣實脈盛調二錢七如牙不開用白梅搯齒口開即灌藥吐出風涎瘥

本治中風不省人事牙關緊急用黎蘆一兩去蘆濃煎防風湯洗過焙乾切炒微黃褐色搗末每半錢溫水下以吐涎為効如人行三里許未吐再服

羅分涎散治中風涎潮作聲口噤手足搐搦

藿香 全蝎 白附子 南星 炮各一兩

丹砂 膩粉 粉霜 各二兩

右為細末每服一錢七至二錢薄荷湯或茶湯調下未吐利再服

衍黃芪防風湯薰法 方見中深半身不遂門

世治中風口噤不知人事產後中風用白木四兩水三升煎一升頓服

大白木酒治妊娠中風口噤語言不得

白木 獨活 黑荳 各一兩



右剉以酒三升煮取一升半去查温分四服口噤者乾  
開灌之得汗即愈

手治中風通身冷口噤不知人事用獨活四兩好酒一升  
煎半升分温再服

破傷風口噤見破傷風門

摘中風口噤不開 人中四分 頰車四分得氣即瀉

集又法 人中 頰車一分沿皮透地倉 百會一分 承漿一分

灸 合谷一分

東口噤不開唇吻不收瘖不能言 合谷 人中

甲口噤不能言翳風主之

口眼喎斜

凡半身不遂者必口眼喎斜亦有無半身不遂之症而喎  
斜者故另立論之

才 通氣

運氣口眼喎斜者多屬胃土風木不及金乘之土寡于畏  
也經云木不及曰委和委和之紀其動縵疾拘緩又云厥  
陰所至為縵蓋縵縮短也木不及則金化縮短乘之以勝  
木之條達也疾者口日喎斜也拘者筋脉拘強也木為金  
之縮短牽引而喎斜拘強也緩者筋脉縱也木為金乘則  
土寡于畏故土兼化緩縱于其空隙而拘緩者日緩也故  
日喎斜者多屬胃土有痰治法宜辛温瀉金之短縮平土  
之濕痰也

垣清陽湯治筋脉縮短牽引口日喎斜方見後

蓋中賊風口偏不能語者取吳茱萸一升清酒一升和煮  
四五沸合服之半升日三服得少汗瘥

子治口喎大豆三升炒令焦好酒三升淋取汁頓服一日  
一服



治中風面目相引口偏着耳牙車急舌不得轉方

獨活三 竹瀝 生地汁各一

右三味合煎取二升頓服即愈

治卒中風口喎不正取空青末如葶大一枚含之即愈

口目喎斜之症大率在胃而有筋脉之分 經云足之陽

明手之太陽筋急則口目為僻皆急不能卒視此胃土之

筋為喎邪也 經云胃足陽明之脉挾口環唇所生病者

口喎唇邪此胃土之脉為喎邪也

垣清陽湯治口喎斜頰腮急緊胃中火盛汗不止而小便

數

升麻二錢 葛根半一錢 當歸身二錢 黃芪二錢

甘草炙一錢 紅花一錢 蘇木五分 桂枝一錢

甘草生五分 黃栢酒一錢

右咬咀作一服酒三盞煎至一盞三分去渣稍熱食

前服訖以火熨摩緊急處即愈夫口喎筋急者是筋

脉血絡中大寒此藥少代燔針劫刺破惡血以去凝

結內泄衝脉之火熾

羅風中血脉治驗○大尉中武史公年六十八歲于至元

十月初侍國師於聖安寺丈室中煤炭火一爐在左邊遂

覺面熱左頰微有汗師及左右諸人皆出因左頰踈緩被

風寒客之右頰急口喎于右脉得浮緊按之洪緩予奉醫

學提峯忽君吉甫專科針灸先以左頰上灸地倉穴一七

壯次灸頰車二七壯後于右頰上熱手熨之誤以升麻湯

加防風秦朮白芷桂枝散風寒數服而愈或曰世醫多

以續命等藥治之今君用升麻湯加四味其理安在對曰

足陽明經起于鼻交頰中循鼻外入上齒中手陽明之經



亦貫于下齒中况兩頰皆屬陽明升麻湯乃陽明經藥香  
白芷又行手陽明之經秦艽治口噤防風散風邪桂枝實  
表而固榮衛使邪不能再傷此其理也夫病有標本經絡  
之別藥有氣味厚薄之殊察病之源用藥之宜其効如桴  
鼓之應不明經絡所過不言藥性所主徒執一方不惟無  
益而又害之者多矣幸者宜細思之  
秦艽升麻湯治中風手足陽明經口眼喎斜四肢拘急惡  
風寒

升麻

乾椒

甘草

芍藥

人參

秦艽

白芷

防風

桂枝

右吹咀每服一兩水二盞連翹葱根白一蒸煎至一盞  
去查稍熱服食後服藥畢避風寒臥得微汗出則止

用婁舍人口眼喎斜先自右邊牙疼

防風

南星

桂枝

半夏

蒼朮

甘草

白朮

茯苓

右煎後入姜汁一合服

本治風客陽經邪傷腠理背脊強直口眼喎斜體熱惡寒  
痰厥頭痛肉瞤筋惕辛頰鼻淵及飲酒過多嘔吐涎沫頭  
痛眩暈如坐車船常服解風邪傷寒辟霧露瘴氣爽慧神  
志諸風不生定風餅子

天麻

川烏

南星

半夏

川姜

川芎

白茯苓

甘草

右為細末姜汁為丸如龍眼大作餅子硃砂為衣每服  
一餅細嚼熱姜湯下不拘候熙豐間王丞相常服預防  
風疾神驗



干枳茹酒主口僻眼急大驗諸藥不瘥方枳實上青括取末欲至心止得茹五升微火炒去濕氣以酒一斗漬微火煖令得藥味隨性飲之

子和東杞一夫患口目喎斜其兩手急數如弦之張有力而實其人壯氣充風火交勝與調胃承氣湯六兩以水四升煎作三升分作四服令稍熱啜之前後約瀉四五十行去一兩次以苦劑投之解毒數服以升降水火不旬而愈

筋病塗法

內經治口眼喎斜多屬足陽明筋病蓋足陽明筋結頰上得寒則急得熱則弛左寒右熱則左頰筋急牽引右之弛者而右隨急牽引喎向左也右寒左熱則右頰筋急牽引左之弛者而左隨急牽引喎向右也故其治法以火灸且為之膏油熨其急者以白酒調和桂末塗其弛者又以桑

為鈎鈎其舌吻之喎僻處使正平而高下相等復以水調生桑灰于鈎柄之坎縫處連頰塗之以收其弛兼飲姜酒敵美肉使筋脉氣和以助外之塗熨不飲酒者自強其筋骨以手拊拍其急處使症自去也

詳見筋門

干又方

牡礪

附子

礬石

竈下黃土

右四味各等分為末取三年雄雞冠血和藥傳其上持鏡看候欲復故便急洗去之不速去便過不復還也

金翼云偏左塗右偏右塗左  
又方酒煮桂取汁一升以故布浸搦病上則正左喎斜搦右右喎斜搦左此秘方不傳余常用大効  
此方即內經用酒桂塗法也  
又方大皂莢一兩去皮子搗篩以三年石灰末水和左喎塗右右喎塗左乾又塗之



取硬石灰一合以醋炒和如泥于患偏風牽口喎斜人

口唇上不患處一邊塗之立便牽正

孫卒患偏風口喎語蹇取衣中白魚摩耳下喎向左摩右

向右摩左即正即靈書

聖治中風口喎用巴莖七枚去皮爛研喎左塗右手心喎

右塗左手心仍以暖水一盞安向手心須臾即便正洗去

針灸

藥并頻抽掣中指

子和一長吏病口目喎斜了療之目之斜灸以承泣口之

喎灸以地倉俱効苟不効者當灸人迎夫氣虛風入而為

偏上不得出下不得泄真氣為氣邪所陷故宜灸所以立

愈按此乃牀蕪調斜故灸之愈若筋急稠斜非灸可愈必用服藥及用燔針切刺其急處或用馬膏塗法可愈故

承泣地倉人迎皆足陽明 王口眼喎斜 地倉針入二分沿皮斜向頰

地倉已上三次嚮布

甲乙口僻顧窮及斷交下關主之 面目惡風寒頰腫

痛招搖視瞻厥癢口僻巨窮主之 口不能水漿喎僻水

溝主之 厥口僻失笑下牙痛頰腫惡寒口不能收舌不

能言不能嚙大迎主之 口僻偏歷主之 口僻刺太淵

引而下之 口僻紫外關主之 僻不正失笑口不開翳

風主之

壬又方以葦筒長五寸以一頭刺耳孔中四畔以麩塞密

勿令泄風一頭納大茺一顆并艾燒令然灸七壯即瘥患



癢

凡中風多有痒甚不收者故編此附之于後與前中風方

相兼用之可也



氣虛

丹經曰諸痒為虛血不榮肌膚所以癢也當以滋補藥以養陰血血和肌膚潤痒自不作矣 治身上虛癢四物加黃芩煎湯調浮萍末服之 治諸痒如虫行此虛也先與大料四物湯服之 鹽一斗水一石煎減半温浴三次能治一切風痒秘 諸痒凌霄花末酒下一二錢此花補陰血甚速本草云凌霄治執風身痒游疹於血者同用也

陶安人身體肥壯久患瘙痒自投風藥漸成虛症身上麻木無力口苦乾小便數

白木 <small>二錢</small>	陳皮	芍藥	黃芩 <small>一兩</small>
茯苓 <small>錢</small>	歸身	黃芪	人參
川芎	青皮	蒼朮	木通 <small>五</small>
黃柏 <small>酒炒</small>	五朱子	甘草 <small>後二</small>	

每服下黃精丸二十九

靈虛邪搏於皮

聞其氣外發腠理開毫毛搖氣往來

行則為痒刺節邪篇

冊何首烏散治渾身風寒濕痒



白姜蚕絲去甘草炒各兩厚朴陳皮各半

右為末每明二錢茶酒調下

經治風癩痒不止枳一三兩麩炒微黃去穢為末每服二錢非時水一盞煎至六分去香服

聖治婦人癩疹身痒不止用蒼耳花葉子等分搗羅為末

頭淋酒調服一錢七

丹治一切痒食羊蹄根不宜多

河痒得處而解若爬為火化微則亦能痒甚則痒去者謂

令皮慮十鍊而為金化辛能散火故金花見則火化解矣

聖治風癩癩疹偏身痒成瘡者用蚕沙一升水二斗煮取

一斗二舌去香熱洗宜避風

羅澡洗經治一切諸風及偏身癢一光澤皮膚

乾荷葉三兩歲仙耐五三本一陵香斤

牙香兩甘松白芷各半

右為末每用二兩生絹袋盛水二桶約四斗煎五沸

放熱於無風處淋澡洗之避風少時如水少時便添熱

湯斟酌得所勿添冷水不添藥末浴痒無如盥濃煎

湯最妙

仲寸口脉遲而緩遲則為寒緩則為虛榮緩則為亡血衛

緩則為中風邪氣中經則身痒而癩疹心氣不足邪氣入

中則胸滿而短氣脉緩而大浮為風虛大為氣強風氣

相搏大成癩疹身為痒痒者名泄風又為癩癩

診

雜方

熱



醫學綱目卷之十一

肝膽部

眩

癩癩

子癩

大法

成無已云眩者非眩而見其眩謂眼黑眩也運者運為運轉之運世謂之頭旋是也

內經論眩皆屬肝木屬上虛丹溪論眩主於補虛治痰降

火仲景治眩亦以痰飲為先也

肝木作眩

諸風掉眩皆屬於肝全文見診法

河掉揺也眩昏亂旋運也風主動故也所謂風氣動而頭

目眩運者由風木旺必是金衰不能制木而木復生火風

火皆屬陽多為兼化陽主乎動兩動相搏則頭目為之眩

運而旋轉故火本動也焔得風則自旋轉人或乘舟車及

作環舞而眩運者其動不止而左右紆曲故經曰曲直動

揺風之用也眩運而嘔吐者風熱甚故也



狗蒙招尤目暝耳聾下實上虛過在足少陽厥陰甚則入  
肝全文見治  
虛實法

**本治肝厥頭暈清頭目釣藤散**

釣藤 陳皮 半夏 麥門冬

茯苓各半 石膏 人參 甘草

防風各半 甘草一分 右為麤末每服四錢水一鍾半生薑七片煎至八分溫

服

治肝厥狀如癰疾不醒嘔吐醒後頭虛運發熱方

麻黃 釣藤煨 石膏 乾葛

半夏麩 柴胡 甘草 枳殼

甘草

右為麤末每服四錢水一鍾半生薑三片棗一枚同煎

至八分去查溫服

婦人患頭風者十居其半每發必掉眩如在車上蓋因血  
虛肝有風邪熱故耳素問云狗蒙招搖日眩耳聾上虛下  
實過在足少陽厥陰甚則歸肝蓋謂此也余常取此方以  
授人比他藥捷而效速奇夢收

川芎兩 當歸三 羌活 旋覆花

蔓荊子 細辛 石膏 藁本

荆芥穗 半夏麩 防風 熟地

甘草各半

右為末每服二錢水一大鍾生薑三片同煎至七分去  
查溫服不拘時服

右甘寒瀉風木

羅風痰治驗 叅政楊公七旬有二有風痰於至元戊辰



春忽病頭旋眼黑目不見物心神煩亂兀兀欲吐復不吐  
心中如懊懣之狀頭偏痛微腫面赤色腮頰亦赤色足脗  
冷命予治之余料之此少壯之時喜飲酒久積濕熱於內  
風痰內作上熱下寒是陰陽不得交通否之象也經云治  
熱以寒雖良工不敢廢其繩墨而更其道也然而病有遠  
近治有輕重叅政今年高氣弱上熱雖盛豈敢用寒涼之  
劑損其脾胃經云熱則砭之又云高巔之上射而取之余  
以三稜針約二十處刺之其血紫黑如露珠之狀少頃頭  
目便覺清利諸症悉減遂處方云眼黑頭旋虛風內作非  
天麻不能除天麻苗謂之定風草此草獨不為風所搖故  
以為君偏頭痛者乃少陽也非柴胡黃芩酒製不能治黃  
連苦寒酒炒以治上熱又為因用故以為臣橘皮苦辛溫  
炙甘草甘溫補中益氣為佐生薑半夏辛溫能治風痰痰

茶非華利小便導濕熱引而下行故以為使服之數劑邪  
氣平生氣復而安矣

天麻半夏湯治風痰內作胸膈不利頭旋眼黑兀兀欲吐  
上熱下寒不得安臥

天麻

半夏各乙

橘皮去

柴胡七

黃芩酒浸

甘草炙

白茯苓去

前胡各五

黃連三分

右咬咀作一服水二鍾薑一片煎至一鍾溫服食後忌

酒麪生冷物

垣羌活湯治風熱壅盛上攻頭目昏眩

羌活

防風

黃芩各乙

柴胡七

黃連酒浸

黃柏酒炒

瓜蒌酒洗

甘草炙

白茯苓錢五

澤瀉錢六



右為養末每服五錢水煎服清食後或先臥進口熱服之日二服

右苦寒瀉風木

外感風邪眩

靈筋骨血氣之精而與脉并為目系上屬於腦後出於項中故邪中於項因逢其身之虛其入深則隨眼系以入於腦入於腦則腦轉腦轉則引目系急目系急則目眩以轉矣大惑

困治一切頭旋本因體虛風邪乘於陽明經上注頭面遂

入於腦亦因痰水在於胸膈上犯大寒使陽氣不行痰水結聚上衝於頭目令頭轉旋羚羊角散

羚羊角

茯神名一

芎藭

防風

白芷

半夏湯洗七次

枳殼

附子各

甘草三錢

右為養末每服四錢水一鍾半生薑五分慢火煎至七分去查不拘時候溫服

百一都梁丸治風吹項背頭目昏黑眩痛

香白芷

大塊者用沸湯泡洗四五次焙乾

右為末煉蜜為丸如彈子大每服一丸細嚼用荆芥湯

點茶下

無大豆紫湯治中風頭眩惡風自吐冷水有汗方見症門

聖治風頭旋用蟬殼二兩微炒為末非時下溫酒一鍾七

上虛眩

針經胃風篇云上虛則眩又五臟生成篇云狗蒙招尤目

眩耳聾下實上虛蓋蒙昏冒也招搖掉也頭黑眩也皆謂

昏冒搖掉眼黑眩屬下實上虛也

丹陳客婦人近五十頭痛麻木眩運脉甚虛宜補氣益血

去風行濕



天麻酒乙 人參半錢 白木二錢 黃芩半錢

歸身尾酒半 川芎半錢 陳皮半錢 甘草炙三分

黃芪三分 半夏五分 生薑三片

右作一劑水煎服

賈舅因勞役眼眩倦怠頭不爽肚帶澹滑

黃芪半錢 人參半錢 當歸一錢 黃栢炒三分

白木酒浸一錢 陳皮半錢 蔓荊子五粒 甘草些

煎稍熱飲之丑卯時各一次去枕眠少時巳申時又各

一次瘥

男子因作勞成病發熱脚酸口苦頭運

白木 茯苓 黃連 川芎半兩

白芍藥 人參 生地 陳皮

當歸各一兩 甘草一錢 杜仲炒六兩

分十八貼食前熱下抑青丸二十二粒

丈夫患熱頭眩脉大而散此是辛苦中來

陳皮三錢 柴胡三錢 人參二錢 白木一錢

黃芪三錢 木通一錢 甘草些 分三貼服

本治風眩頭運川芎散

山茱萸兩 山藥 甘菊花 人參

川芎各半兩 茯苓兩

為末每服二錢酒調下不拘時候日三服不可悞用野

菊花

血虛眩

三因芎歸湯治產後去血過多眩運不省及傷胎去血多

崩中去血多金瘡去血多拔牙齒去血多不止懸虛心煩

眩運頭重目暗舉頭欲倒方見婦人 丹頭眩屬氣虛挾痰無痰作眩不得治痰為主挾補氣藥

補虛眩  
久治瘥



并降火藥濕痰多者用二陳湯 痰多因火動者二陳湯  
 加酒苓眩運火動其痰二陳湯加黃芩蒼朮羌活散風行  
 濕 水煮金花丸治頭眩方見痰飲  
 丹眩運不可當者大黃三次酒炒乾為末茶調下每服一  
 錢至二錢 一男子年七十九歲頭目昏眩而重手足無  
 力吐痰口口相續左手脉散大而緩右手緩而脉大不及  
 於左重按皆無力飲食畧減而微渴大便三四日一行衆  
 人皆與風藥至春深必死予曰此皆大虛證當以補藥作  
 大劑服之衆怒而去余教用人參黃芪當歸身芍藥白朮  
 陳皮濃煎作湯使下連栢九三十粒如此者服一年半而  
 精力如少壯時連栢九冬加乾薑少許餘三時皆依本法  
 連栢皆薑汁炒為細末又以薑汁煮糊為丸  
 本治虛風頭旋吐痰涎不已養正丹

黑鉛

水銀

硫黃

硃砂

右用鐵盞一隻火上溶鉛成汁次下水銀用柈杖子打  
 勻取下放少時下二味末令冷研為粉用米飲丸或用  
 棗肉丸如梧子大每服三十九丸鹽湯下

此藥升降陰陽補接真氣非止頭旋而已

虛者宜補中

頃范天駭之內素有脾胃之病時顯煩躁胃中不利大便  
 不通初冬出外而晚歸為寒氣怫鬱悶亂大作火不得伸  
 故也醫疑有熱治以疎風九大便行而病不減又疑藥力  
 少復加七八丸下兩行前症仍不減復添吐逆食不能  
 停痰唾稠粘湧出不止眼黑頭旋惡心煩悶氣短促上喘  
 無力不欲言心神顛倒兀兀不止目不敢開如在風雲中  
 頭苦痛如裂身重如山四肢厥冷不得安臥予謂前症乃  
 胃氣已損復下兩次則重損其胃而痰厥頭痛作矣製半



夏白朮天麻湯治之而愈

天麻分五 半夏湯洗一錢半 人參分五 白朮錢一

蒼朮分五 橘皮 黃芪 澤瀉

白茯苓各五分 神麩炒一錢 大麥蘖一錢半 乾薑三分

黃栢二分

右件咬咀每服半兩水二盞煎至一盞去查帶熱服食前此頭痛苦甚謂之足太陰痰厥頭疼非半夏不能療眼黑頭旋風虛內作非天麻不能除其苗為定風草亦治內風之神藥也內風者虛風是也黃芪甘溫瀉火補元氣人參甘溫瀉火補中益氣二朮俱甘苦溫除濕補中益氣澤瀉茯苓利小便導濕橘皮苦溫監氣調中升陽神麩消食蕩胃中滯氣大麥蘖寬中助胃氣乾薑安熱以條中寒黃栢苦大寒酒洗以主冬天少火在泉發

躁也

右氣虛挾痰眩暈余嘗治一人臥則稍輕但舉足則頭旋眼黑以天麻半夏茯苓陳皮白附僵蚕參芪草歸生薑黃芩煎湯服之五六日愈蓋倣此方加減之也

川芎半夏酒洗 白朮各一兩 甘草炙半兩

右咬咀每服四錢水一盞生薑七片煎服不拘時有附

子持心無半夏

旋覆花湯治中脘伏痰嘔逆眩暈

旋覆花半夏 橘紅 乾薑各一兩

枳榔 人參 甘草 白朮各半兩

右剉碎每服一兩薑水煎服

仲卒嘔吐心下痞膈間有水眩悸者半夏加茯苓湯主之

悸者煎行小



方見 假令瘦人臍下有悸吐涎沫而頭眩此水也五苓散主之傷寒

之

子和青黛散搐鼻取涎治眩神效方見

頭風眩運可用獨聖散吐之吐訖可用清上辛涼之藥防

風通聖散加半夏等味仲景云此痰結胸中而致也通聖散見

獨聖散

瓜蒂不以鬱金各等

右為細末每服一錢或二錢薑汁調下服之用鷄翎探

吐

大小使

河間搜風九治邪氣上逆風熱上攻頭目眩運大小便結

滯

人參

茯苓各半

滑石二

藿香二錢

薑

白礬生各

蛤粉二

南星

大黃

黃芩各二

牽牛四

薄荷半

半夏一

寒水石一

右為末滴水丸小豆大每十九生薑湯下加至二十九

日三服

體虛有

白朮附子湯治風虛頭重眩苦極不知食味暖肌補中

益精氣

白朮二

附子一兩半甘草一兩

右三味剉每五錢薑五片棗一枚水鍾半煎至七分去

查溫服

困治體虛有風外受虛濕身如在空中二生散

生附子去皮生南星各等

右二味咬咀每服四大錢水一鍾生薑十片慢火煎至



八分去查服戊年年予在新安有此疾名醫傳授此方

三服愈

仲心下有寒飲其大苦胃眩澤瀉白朮主之短氣倚息形如腫為寒飲

用澤瀉五兩白朮二兩以水二升煮一升分温再服

濕腫者利  
倚息形  
運氣眩有二

一曰風助肝盛眩經云厥陰司天之政風行太虛雲物搖

動目轉耳鳴三之氣風乃時舉民病掉眩又云厥陰司天

客勝則耳鳴掉眩又云厥陰之勝耳鳴頭眩又云厥陰之

復筋骨掉眩治以諸涼是也

二曰濕邪傷腎眩經云太陰司天濕淫所勝頭項腰背痛

而眩治以苦熱是也

雜方

金灸

河神妙散搐鼻治頭目昏眩偏正頭痛方見頭

腦為髓之海其輪上在於其蓋下在風府髓海不足則腦

轉耳鳴脛痠眩冒目無所見全文見針灸蓋者百會穴也

上氣不足頭為之苦傾目為之眩補足外踝下雷之全文見針

邪在腎肩背頭項痛時眩取湧泉崑崙視有血者盡取

之全文見針灸

怪穴 頭目眩運 至陰

標 金門 申脉

桑 風池 神庭內風池通玄同 金門 瀉 三里 補

心頭暈怕寒些少風寒則目暗疆什不分冬夏常用綿帽

包日夜不離一去帽即發 百會 惺惺乙分恐 風池

頭大熱 豐隆二寸半

桑頭熱 上顛 風門 攢竹 百會

甲風眩善嘔煩滿神庭主之如顏色青者上星主之取上

星者先取諛諱後取天牖風池如頭痛顏青者顛會主之



診

風眩引領痛上星主之先取諛諱後取天牖風池 風  
眩目瞑惡風寒面赤腫前頂主之 風眩目眩顛上痛後  
項主之 風眩驚手腕痛泄風汗出至腰陽谷主之 腦  
風目瞑頭痛風眩目痛腦空主之 風逆暴四肢腫濕則  
唏然寒飢則煩心飽則眩大都主之 頭眩目痛至陰主  
之  
丹左手脉數熱多 脉澁有死血 右手脉實痰積 脉  
大必有久病

○癩癩

癩癩即頭眩也痰在膈間則眩微不什痰溢膈上則眩甚  
什倒於地而不知人名之曰癩癩徐嗣伯云大人曰癩小  
兒曰癩其實一疾也然與中風中寒中暑尸厥等什倒不  
同凡癩癩什時口中作聲將省時吐涎沫省後又復發時

作時止而不休息中風中寒中暑尸厥之類則什時無聲  
省時無涎沫者後不復再發間有發者亦如癩癩之常法  
也

大法

丹癩屬驚與痰宜吐 大率行痰為主 芫花 黃連

瓜蒌 半夏 南星 尋火尋痰分多少治之無有不愈

分痰與熱有熱以涼藥清其心 有痰必用吐藥吐後  
用東垣安神丸 此證必用吐吐後用平肝之藥青黛柴  
胡川芎之類

海治長洪伏三脉風癩驚癩發狂惡人與火者灸第三椎  
第九椎服局方妙香丸以針穿一眼子透冷水內浸少時  
服之如本方若治弦細緩三脉諸癩似狂者李河南五生  
丸 妙香丸方  
見虛煩條

止實

氣亂于頭則為厥逆頭重眩什 今文見  
針灸 邪搏陽則為癩



疾見診法下同針經九針云邪入於陽轉為癩疾厥成爲癩疾厥氣上逆也

素帝曰人生而有病癩疾者病名曰何安所得之岐伯曰病名爲胎病此得之在母腹中時其母有所大驚氣上而不下精氣并居故令子發爲癩疾奇病論

凡癩癩及中風中寒中暑中濕氣厥尸厥者亦風寒暑濕等邪省人事者皆由邪氣逆上陽分而亂於頭中癩癩者痰邪逆上也中風寒暑濕及氣厥尸厥者亦風寒暑濕等邪氣逆上也邪氣逆上則頭中氣亂頭中氣亂則脉道閉塞孔竅不通故耳不聞聲目不識人而昏眩無知仆倒於地也以其病在頭故曰癩疾治之者或吐痰而就高越之或鎮墜痰而從高抑之或內消痰邪使氣不逆或隨風寒暑濕之法用輕劑發散上焦或針灸頭中脉絡而導其氣皆可使頭顛脉道流通孔竅開發而不致昏眩也是知癩

高者因而越之

癩之癩與厥成癩疾眩冒癩疾之顛一疾也王太僕誤分癩爲二疾獨孫真人始能一之今特冠此氣亂頭顛等經文於癩癩篇首使人知疾有所歸而治有所據也

局碧霞丹治五癩疾方見虛實明

世治暗風天麻南星半夏僵蚕白附子防風各半兩白礬二兩用木瓜一箇切去頂取穰納前藥末用原頂覆住麩包煨熟就搗如泥爲丸又用皂角二十枚細酒半盞浸一宿如發時取前藥一十九粒納口中用酒灌下取出痰即愈自省後日服三十粒薑湯下

治風癩及心風病用皂角三挺搥破濾汁熬如稀糊攤紙上晒乾取兩葉如小錢大用溫棗水浸洗去紙注於兩鼻孔各一蜆殼許須臾涎下咬筋歷盡涎後服祛痰丸

代赭石一兩 白礬二兩

上者抑之行之



右為細末稀糊為丸如梧子大每服二十九冷水送下不拘時

仲風引湯治癩疾瘰癧後方見

無礬丹丸治五癩百癩無問陰陽分熱

號丹

晉礬各一兩

右用博鑿一窠可容二兩許先安丹在下次安礬在上以炭五斤熾令炭盡取出細研以不經水猪心血為丸如葦葶大每服十九至二十九橘皮湯下

心血少者益之  
世治暗風遠年日久不愈皆可服用地黃廣南道地者不計多少火煨醋焯七次為細末每服二錢溫酒調下年深者亦治

羅參硃丸治風癩大有神效

人參

蛤粉

硃砂各等分

右為細末縱猪心血為丸如梧子大每服二十九金銀花湯下食後服

神應丹治諸癩用好辰砂不拘多少為細末用猪心血和之得所以蒸餅裹蒸取出就熱丸如梧子大每服一九食遠臥時煎人參湯下大有神效

琥珀壽星丸

天南星一片煨坑二尺深用木炭五斤煨熟取出炭用好酒一升浸之將南星趁熱下坑用盆蓋訖合過一宿取出再焙乾為末 琥珀四兩取末 硃砂二兩一半為末

猪心三箇取血另打生薑麪糊攪令稠粘將猪心血和入藥末丸如梧子大每服五十九煎人參湯空心送下日進三服

痰迷心竅者服之  
世蜜陀僧散治暗風取蜜陀僧成塊者以鐵線纏又用鐵線懸掛火煨紅用酒醋一升焯盡出火毒研極細每服一



錢麝香酒調下 治癩疾凌霄花一味為細末每三錢空心酒調服每服藥時以木梳不住手梳其髮又用冷水一碗逐口含之水溫則換水盡住梳如此四十九日永絕其根

楊氏家藏五癩丸治癩癩發作不問新久並宜服之

天南星

泡一兩 烏蛇肉 酒浸一宿去皮骨焙一兩

硃砂 二錢半 另研

全蝎

錢去半 半夏 二兩 酒洗焙 玄黃 一錢半 分研

蜈蚣 半條 去頭足炙

白附

半兩 白僵蠶 一兩 炒去絲

麝香 三錢 另研

白礬

皂角 四兩 碎水半升 煎汁與白礬同熬乾研

右為末 薑汁煑麪糊丸如梧子大每服三十九薑湯下

治癩疾

川芎 二兩

防風

猪牙皂角

鬱金

明雄 各一兩

蜈蚣 一條

石細小蒸餅丸如梧子大空心清茶下十五九一日除根

根

羅治癩病心風病用天南星九蒸九曝為末生薑汁打糊為丸如梧子大每服二十九煎人參麥門冬苝蒲湯下亦可

風木

春脉者肝也春脉太過為病在外善怒怒七眩冒而癩

疾 全文見治法脉來弦突而強為太過

歲木太過甚則怒七善怒眩冒而癩疾 全文見連

癩疾 全文見連

四治巡檢夫人癩通聖散二錢半薑三片煎下犀角丸三十粒

保防風通聖散

防風

川芎

當歸

芍藥

大黃

芒硝

連翹

薄荷

安胃之 樹打卷二

三



麻黃不去節 桔梗

黃芩

石膏各一兩

白朮

山梔

荊芥穗

各二錢半 滑石三兩

甘草兩

右為麤末每服一兩生薑煎溫服日再服

若勞汗當風寒薄為酸鬱乃痲此勞汗出於玄府脂液所凝去芒硝倍加芍藥當歸癸散玄府之風當調其榮衛 俗云風刺或生癰疹或赤或白倍加麻黃鹽豉芎白出其汗麻黃去節亦去芒硝以鹹走血而內凝故不用之發汗罷依前方中加四物湯黃連解毒三藥合而飲之日二服故內經曰以苦發之為熱在肌表連內也小便淋閉去麻黃加滑石連翹煎藥中調木香末一錢七麻黃主於表而不主於裏故去之 腰脇走注疼痛者加硝石當歸甘草一服各二錢調車前子末海金砂

麻各一錢故經曰腰者腎之府 破傷風者如在表則

辛以散之在裏則苦以下之兼散之汗下後通利榮血

祛逐風邪每一兩加荊芥穗大黃各二錢調全蝎末一

錢羌活末一錢 諸風癰瘡小兒急慢驚風大便秘結

邪熱暴甚腸胃乾燥寢汗咬牙上竄睡語筋轉驚悸肌

肉蠕動每一兩加大黃二錢梔子二錢茯苓末二錢七

如肌肉蠕動者調羌活末一錢經曰肌肉蠕動命曰微

風 風傷於肺咳嗽喘急者每一兩加半夏桔梗紫苑

各二錢 如打撲傷損肢節疼痛腹中惡血不下每一

兩加當歸大黃各二錢半調沒藥乳香末各二錢 解

利四時傷寒內外所傷每一兩加益元散一兩芩白十

莖鹽豉一合生薑半兩水一碗同煎至五七沸或煎一

小碗溫冷服一半以飭投之即吐吐罷後服一半稍熱



脈滿大為熱

脈滿大為熱  
服汗出立解如飲酒中風身熱頭痛如破者加黃連  
鬚二錢芩白十莖依法立愈慎勿用桂枝麻黃湯解之  
頭旋腦熱鼻塞濁涕時下每一兩加黃連薄荷各二錢  
半內經曰膽移熱於腦則辛類鼻淵者濁涕下不  
已王註曰膽液不澄則為濁涕不已如水泉者故曰鼻  
淵也此為足太陽脈與陽明脈俱盛也如氣逆者調木  
香末一錢

素心脈滿大癩瘕筋攣

伸風引湯除熱癩瘕又治大人風引少小驚癩瘕癰日數  
十發醫所不療又治脚風

- 大黃 龍骨 乾薑各四兩 桂枝三兩
- 甘草 牡蠣各二兩 寒水石 滑石
- 赤石脂 白石脂 紫石英 石膏各六兩

右十二味杵麤末篩以青囊盛之取三指撮并花水三

升煮三沸溫服一升治風熱瘕食後量多少呷之不用查無不效

河犀角丸治風癩瘕發作有時揚手擲足口吐痰涎不省  
人事暗倒屈伸

- 犀角末半兩 赤石脂三兩 朴硝二兩 白僵蚕一兩
- 薄荷葉一兩

右為末麪糊丸如梧子大每服二十九至三十九溫水  
下日三服不拘時候如覺痰多即減數忌油膩炙博

龍腦安神丸治男婦五種癩瘕無問遠年近日發作無時

- 茯苓去皮取末三兩 人參去蘆 地骨皮 甘草
- 麥門冬去心各二兩 龍腦三錢另研 牛黃半兩
- 硃砂二錢飛 桑白皮一兩 馬牙硝二錢另研 麝香三錢另研
- 烏犀角末一兩 金薄三十片



脉小急為寒

右十三味煉蜜為丸如彈子大金薄為衣冬月溫水化

下夏月涼水又治虛勞發熱咳嗽語澁舌強日進三服

靈肝脉小急癰瘕筋攣王註云肝養筋藏血肝氣受寒故癰瘕筋攣二陰急

為癰厥同肺脉急甚為癩疾腎脉急甚為骨癩疾視

法虛實

羅沉香天麻湯治癰瘕瘕筋攣方見小

珠子辰砂丹治風癰久不愈者

薯蕷 人參 遠志 防風

紫石英 茯神 虎骨 虎睛

龍腦 五味子 石菖蒲 丹參

細辛各二錢半 珠子末四錢

右件為細末麩糊為丸如梧子大用硃砂二錢研細為

衣每服三十五丸煎金銀花湯送下日進三服忌魚肉

濕麩動風之物

烏頭丸治五風癰病

川烏 草烏 天仙子 五靈脂各二

黑薑升一

右為細末滴水丸如梧子大每服五七丸溫水下如

中風加附子半兩

子和昔項開完顏氏病搐先右臂并右足約搐六七十數

良久左臂并左足亦搐六七十數不瘥兩目直視昏瞶不

識人幾月餘求治於余先涌其寒痰三四升次用導水禹

功散泄二十餘行次服通聖散辛涼之劑不數日而瘥

羅法煮草麻子治諸癰病不問年深日遠

草麻子去皮取仁二兩 黃連去鬚剉如壹大兩

右件用銀器水一大碗慢火熬水盡即添水熬三日兩



虛

夜為度取出去黃連只用草麻子仁風乾不得見日用  
竹刀將草麻子每粒切作四塊每次服五粒計二十塊  
作一服用荆芥湯食後溫服服草麻仁者終身忌食  
菘犯之則腹脹而死  
丹治一婦人四十五歲生子多觸胎時有腹痛每夜喜飲  
酒三盞即睡其夫性暴而諧謹所以借酒解怒忽九月望  
後癩病大作目上視揚手擲足甚強健舉體大筋皆動喉  
嚮如鋸涎沫流口兩角如此一時辰許諸症皆靜狀如熟  
寢全不知人半時小腹漸痛上至心痛大作汗如雨自頭  
至乳而止如此半時痛漸減汗亦收痛作時却自言其痛  
其餘言語皆謬誤問亦不答亦不知人痛定又熟寢如前  
癩與痛間作晝夜不息經兩宿方召予脉之痛作時脉四  
至半似弦非弦左弱於右予未敢與藥候癩作時再看形  
脉後作時六脉皆隱但有筋轉於指下眼白青而面不

青手之動三倍於足予問之痛作時必欲重按比癩作時  
汗必不出其夫言果然予曰此非死證若尚能嚙藥則易  
治試以調香附子末灌之適癩勢稍定却嚙得半盞令急  
燒竹瀝未就時痛大作余以肝有怒邪因血少而氣獨行  
所以脾受病脾胃之間舊有酒痰為肝氣所抑鬱而為痛  
然酒喜動可以出入升降入內則痛出外則癩當乘其入  
內之時急為點大敦行間中腕三處穴令分頭同時下火  
灸之足上艾火少灸先了腹上痛漸下至腰而止熟寢少  
時癩作如前證減半又以竹瀝入少薑汁灌下大半鍾灌  
時適值癩定但熟寐如前自是不省人事一晝二夜皆已  
棄之余曉之曰身不發熱因痛則汗出大便不通者五六  
日自予來亦未見其小水非死症當是血少無神而昏耳  
爾為痛指人中俄而呻吟急以人參湯同竹瀝灌之又昏



睡如前余教以作人參白朮膏入竹瀝調下如此二晝夜  
凡用人參一斤白朮二斤眼忽能開手能舉自言曾膈滿  
而舉身皆痛耳目仍未有聞見忽自溺床甚多余聞之甚  
喜且得癩與痛皆不作但教令用陳皮芍藥甘草川芎湯  
調參朮膏又加竹瀝飲之余欲往他處且與脉之聞其作  
聲余自知謬拙不教以粥與藥間服急令作稀粥與之止  
嚙得三四匙牙禁不受余遂以木楔幹開以稀粥入藥湯  
又與竹瀝同灌一大鍾蓋是粥多而藥居三之一予遂出  
門教令粥藥相間與之予在二十里外未申間天大風作  
予料此婦癩必作特往視之癩不作而痛作脉去來急無  
次急為灸然谷太衝巨闕灸罷痛定問其要粥否答曰我  
正飢其夫飲之以粥嚙兩鍾予乃往他處仍教以藥湯調  
參朮膏竹瀝與粥間與之如前第二夜半時召予甚急往

視之癩病大作奪手不能診脉令人扶定兩時予捉其中  
指強而脉之四至半麓大有力左右同而右少緩口妄言  
而無次又怒罵人眼上視不瞬而嘔又欲起走其狀若有  
所憑然予捉定兩手為灸兩大指皆半甲半肉際各三壯  
怒狀稍殺求免索燭視之耳目仍未有聞見昏寐至夜半  
狂怒大作且言鬼怪之事而師巫至大罵巫者予靜思之  
氣因血虛亦從而虛邪因入理或有之且與補藥血氣若  
克邪當自退仍與前藥又恐痰頑佐以荆瀝又以秦承祖  
灸鬼法灸之哀告我自去昏睡一晝夜忽自起坐索粥其  
夫與之方問夫你面垢如許恠床上有香氣繼又無所知  
識惟開眼不睡手足雖能運動却作尋摸態如此又二晝  
夜粥食稍加又溺床多如前予益喜仍守前藥予又往他  
處次日晚忽來召予急往視之病人自言渾身皆痛脉之



皆五至左右均而和曰參朮膏俱盡遂教令就與前藥中  
加參朮煎去荆瀝加香附末與一服覺甚快余且令守此  
藥至次夜半又來告急曰前痛大作往視之坐桶上叫聲  
甚高予思之此虛病亦多汗腸燥而糞難耳痛當在小腹  
與腰急烘琥珀膏大者貼小腹仍教以熱手摩腰腎間連  
得下氣而痛減就睡少時又起如是者五六次一醫者勸  
令用通利藥予曰痛與死孰為輕重且堅忍至夜半後當  
自通又往他處至四更來告急往視之痛大作予令坐以  
溫湯中當自下換湯痛定覺甚快第二桶湯下結糞二塊  
就睡天明予又往他處至晚又告急予視痛大作連及兩  
脇手不可近予思之此痛無因若結糞未盡痛當在下今  
痛在上必因食多問之果然醫者欲用感應丸予教勿與  
粥藥病者力索藥遂以香附末令舐之至夜半痛漸減次

明覺畧飢索粥予曰非飢也乃嘈耳勿與而自安其家又  
自與粥至辰巳間予往他處至晚痛又作而病者索香附  
末不已遂以湯調半碗與之探令吐猶有宿食痛遂止予  
又往他處至夜半又告痛復作詢之以醋拌蘿蔔苗吃粥  
又以香附末探吐之痛定教令一晝夜勿與食至次日少  
與淡粥覺飢時以陳皮湯下白朮丸如此調理自安  
痰癩癩治法並見上虛條

久瀉為  
痰積

潔治風癩病久不能愈者從厚朴丸春秋加添外又於每  
一料中加入參芎蒲茯苓各一兩五錢和劑服之厚朴丸  
方見番

陰陽

垣升陽湯治陽躄癱足太陽下行宜升陽氣

麻黃八錢

羌活一兩

防風根八錢

炙甘草五錢

右咬咀每服三錢水五大盞煎至一盞去查稍熱服宿



食消盡腹中空服之後避風寒一二時辰乃效

鬮書發治陽蹻申脉二穴在足外踝下陷中容爪印白肉際是也夜發治陰蹻照海二穴在足內踝下陷中是也先灸兩蹻各二七壯然後服前藥

用治百病風癩用麻仁四升水六升猛火煮令芽生去查煎取七合旦空心服或發或不發或多狂語勿恠之但令人摩手足須臾即定凡進三劑無不愈

羅神應丹治諸風心癩病

狐肝一具

烏鴉一隻

鴟泉一箇

白礬一兩

野狸一箇去肚腸不用皮毛用新瓦罐盛肉以炭火煮爛

生犀角末一兩

右為末用酒打麩糊為丸如皂子大硃砂為衣每服一丸酒送下不拘時候

楊氏蝮虎治癩法見小兒驚癩門妙

### 靈巢變癩眩是不任身取天柱

氣亂於頭則為厥逆頭重眩仆取之天柱天杼不知取太陽榮輸於此義同

癩疾始生先不樂頭重痛視舉目赤甚作極已而煩心候之于顏取手太陽陽明太陰血變而止 癩疾始作而引口啼呼喘悴者候之手陽明太陽左強者攻其右右強者攻其左血變而止 癩疾始作先反僵因而脊痛乃候之

太陽陽明太陰手太陰血變而止俱出癩

國癩凡灸癩必先下之乃可灸不鳩尾必高平乃可下

通後谿

集鳩尾湧泉心膈

桑陽交三里後谿太衝間使



摘風癩熱病心風驚癩 上腕 三里

桑天吊 巨闕 百會 顛門

東癩 平旦發者足少陽 晨朝發者足厥陰 日中發

者足太陽 黃昏發者足太陰 人定發者足陽明 半

夜發者足少陰 心癩面赤心下熱短氣喘息 巨缺 灸

壯 肝癩面青反視手足搖動 丘墟 中封 脾

癩面黃腹大善利 胃脘并腕傍一寸各三壯 衝陽

隱白 肺癩面白口吐沫 肺腧 少商 少陽 各三

腎癩面黑正直視身不搖如尸厥 金戶 少海 至陰

湧泉 各三壯 刺一分 膈癩四肢不舉 風府 一壯 百

人中 承漿 各隨 年壯 腸癩都無動靜如尸厥狀

湧泉 勞宮 一壯 風 刺一分 年壯

馬癩張搖頭馬鳴歡反折 風府 七壯 神闕

牛癩目直視腹脹 尾尖 三壯 大推 三

羊癩揚目吐舌大推 三壯 刺

猪癩吐沫口動搖 浮白 三壯 刺

犬癩手屈拳攣 勞宮 一壯 刺 絲竹空 肋 各

鷄癩搖頭反折善驚目搖 至陰 竅陰 厲兌 各三壯 刺

甲癩疾多言耳鳴目僻頰腫實則齧齒喉痺不能言齒痛

鼻軌衄虛則痺膈偏歷主之 癩疾吐舌鼓頰狂言見鬼

溫濡上之 腕後 癩疾吐舌曲池主之 癩疾互引僵仆

申脈主之先取陰蹻後取京骨 癩疾狂妄行振寒京骨

主之 癩疾身痛狂善行束骨主之 癩疾僵仆轉筋僕

參主之 癩疾目眈眈軌衄崑崙主之 狂癩疾體痛飛

揚主之 癩疾反折委中主之 癩疾憎風而振寒不得



言得寒益甚身熱狂走欲自殺目反妄見瘕瘕泣出死不知人肺膈主之 癲狂膈膈及肝膈主之 癲疾僵仆目妄見恍惚不樂狂走瘕瘕絡都主之 癲疾互引反折戴眼及眩狂走不得臥心中煩攢竹主之 癲疾發寒熱大煩滿悲泣出解谿主之 癲疾互引口喎喘悸者大迎主之取手陽明太陰變血而止 癲疾狂多食喜咲不發於外煩心渴商丘主之 癲疾嘔沫神庭及兌端承漿主之其不嘔沫本神及百會後頂玉枕天衝大杼曲骨尺澤陽谿外丘當上腕傍五分通谷金門承筋合陽主之 委中而陽一癲疾互引水溝及斷交主之 癲疾上星主之先取噫嘻後取天牖風池 癲疾嘔沫暫起僵仆惡見風寒而主之 癲疾瘕瘕狂走頸項痛後項主

狂走欲自殺目反妄見刺風府 癲疾怒欲殺人 狂走主之 狂走癲疾脊急強目轉上挿筋輸主之 癲疾發如狂走者面皮厚敦敦不治虛則頭重洞泄淋瘕大小便難腰尻重難起居長強主之 寒厥癲疾噤呵瘕瘕驚狂陽交主之 癲疾大瘦腦空主之 癲疾僵仆狂虛腕骨及風池主之 癲疾狂瘕瘕眩仆瘖不能言羊鳴沫出聰宮主之 癲狂煩滿刺絲竹空 癲疾吐舌沫出羊鳴矣頸天井主之 天井在肘後 癲疾氣短嘔血胸背痛行間主之 痿厥癲疾洞泄然谷主之 癲狂互引天柱主之 右針灸癲法內經但取手足太陽陽明太陰六經而已今甲乙經等書又多取督經手足太陽足少陰厥陰蓋隨症取之然學者當以內經為主也



診

靈骨癩疾者顛齒諸膾分肉皆滿而骨居汗出煩悞嘔多  
 沃沫氣下泄不治顛若感切○骨居汗出筋癩疾者身  
 倦攣急大刺項大經之大杼嘔多沃沫氣下泄不治 脉  
 顛疾者暴仆四肢之脉皆脹而縱脉滿盡刺之出血不滿  
 灸之挾項太陽灸帶脉于腰相去三寸諸分肉本輪嘔多  
 沃沫氣下泄不治 癩疾者疾發如狂者死不治 治癩  
 疾者嘗與之居察其所當取之處病至視之有過者瀉之  
 置其血於瓠壺之中至其發時血獨動矣不動灸窮骨二  
 十壯窮骨者骹骨也俱出  
 癩疾法徐上實下虛為厥癩疾全文見治  
 癩疾法

月因發風瘧忽悶瞶不識人

創名曰子

膏根

貝母去心

牡丹皮

防風

當歸

川芎

白茯苓

桂心

澤瀉

甘草各二

獨活

石膏

人參各三

右攻咀以水九升煮取三升分温二服貝母令人易產  
 未臨月升麻代之

丹治一婦人懷妊六月發癩手足揚直面紫黑色合眼涎  
 出昏瞶不省人事半時而醒醫與震靈丹五十餘貼其疾  
 時作時止無減症直至臨產方自愈產一女葶中子母皆  
 安次年其夫疑丹毒必作求治之診其脉浮取弦重取滯

醫方類聚卷之七

三



按至骨則沉實帶數時正二月因未見其癩發正狀未敢與藥意其舊年癩發時乃五月欲待其時度此疾必作當審諦施治至五月半其疾果作皆是午巳兩時遂教以自製防風通聖散用生甘草加桃仁多紅花少或服或吐至四五劑疾漸疎而輕發為疥而愈

大治子癩用硝砂末酒調下許見胎安胎

○瘰癧 勞風 胎前瘰癧 產後瘰癧

大補虛

瘰癧者口噤角弓反張者是也

凡瘰癧大率與癩病相似比癩為虛宜帶補多是氣虛有火兼痰宜服人參竹瀝之類不用兼風藥

無此症多出亡血筋無所營故邪得以襲之所以傷下過多與夫病瘡人及產後致斯病者槩可見矣

弦緊而如真弦狀向知此子極勤

因勞傷血山居多風寒乘虛而感又因痘瘡其當用辛溫養血辛涼散風遂以當歸身芍藥為君

川芎青皮鈞藤為臣白朮陳皮甘草為佐桂枝木香黃連為使更加紅花少許煎十二貼而安

海神朮加羌活麻黃湯治剛瘰解利無汗神木方見傷寒大陰

白朮加桂心黃芪白朮湯治柔瘰解利有汗白木方見傷寒太陽

太陽陽明加川芎 荆芥穗 正陽陽明加羌活 酒大

黃 少陽陽明加防風 柴胡根

熱而在表者加黃芩 寒而在表者加桂枝黃芪附子

熱而在裏者加大黃 寒而在裏者加乾薑良薑附子

已上數經寒熱當以脉別之



表症屬太陽

防風當歸散

防風

當歸

川芎

地黄各一

右剉每服一兩水三盞煎至二盞溫服

仲活人治瘧法並見後表裏陰陽條 太陽病發熱無汗

而反惡寒者名曰剛瘧 太陽病發熱汗出而不惡寒者

名曰柔瘧

仲葛根湯治太陽無汗而小便反少氣上衝胸口噤不得

語欲作剛瘧葛根湯主之方見傷寒

若發熱無汗反惡寒者名曰剛瘧宜麻黃加獨活防風湯

麻黃各一

桂枝各一

芍藥各二

甘草

獨活

防風各二

兩水二鍾煎至一鍾半溫服

濕湯

瓜蒌根二兩

桂枝三兩

甘草二兩

生薑五兩

大棗十二枚

芍藥二兩

右六味以水九升煮取三升分溫三服取微汗汗不出

食頃啜粥發之

海若發熱自汗而不惡寒者名曰柔瘧宜桂枝加川芎防

風湯

桂枝

芍藥

生薑各一兩半

甘草

防風

川芎各一兩

大棗六枚

右剉細每服一兩水三盞煎至一盞半去渣溫服

凡剛柔二瘧並可與小續命湯方見中風門但去查入生薑 小續命

湯加減法 若柔瘧自汗者去麻黃夏間及病有熱者減

桂枝一半冬及初春去黃芩



續命湯治卒中半身不遂手足拘急不得屈伸身體冷  
或智或癡或身強直不語或生或死狂言不可名狀角弓  
反張或欲得食或不用食大小便不利皆療之

人參

桂心

當歸

獨活

黃芩

乾薑炮

甘草各七錢半

石膏一兩半

杏仁四十枚

右九味咬咀以水八升煮取三升分溫三服日二服取

汗無汗者加麻黃

裏証

仲剛症為病曾滿口噤臥不着席脚攣急必齧齒可與大

承氣湯

子知百君玉之妻年三十餘病風搐目眩角弓反張數日

不語請醫皆云難治風風相治之以天南星雄黃天

...

肝木茂而自病因涌風涎二三升次以寒劑下十

以并刺刺百會穴出血一盃立愈

海若汗後不解乍靜乍躁目直視口噤往來寒熱脉弦者

少陽風症宜柴胡加防風湯

柴胡一兩

人參五錢

半夏製六錢

黃芩五錢

生薑

甘草各六錢半

防風一兩

棗三箇

右剉每服一兩水三盞煮至一盞半去渣溫服

若發汗過多發熱頭面搖卒口噤背反張者太陽兼陽明

也宜去風養血防風當歸散主之方見本門大法條

陽症並見表裏條仲景雖曰症皆身熱足寒然屬陽不厥

逆

百一治中風身直不得屈伸反覆者取槐皮黃白者切之

陰症无汗

陽症分陰

太陽陽明合病

半表半裏傷少陽



以酒或水六升煮取二升去查服

千倉公當歸湯治賊風口噤角弓及張瘕方

當歸

防風錢各七

獨活一兩

附子一枚

細辛半兩

麻黃一兩二錢半

右咬咀以酒五升木三升煮取三升服一升口不開者

格口納湯一服當蘇二服小汗三服大汗

隔八物白朮散治陰瘕一二日面腫手足厥冷筋脉拘急

汗不出恐陰氣內傷

白朮

茯苓

五味子各半兩

桂心三分

蘇黃半兩

良薑一分

羌活半兩

附子三分

右為末每服四錢水一大盞生姜五片同煎至五分

查温服無時

湯苦發熱脉沉而細

桂枝

生薑

右剉每服一兩水三盞煎至一盞半去查温服

活附子散陰瘕手足厥逆筋脉拘急汗出不止顛項強直

頭掙口噤

桂心錢二

附子一兩

白朮一兩

川芎錢三

獨活半兩

右為末每服三錢水一鍾棗一枚煎至五分温服

桂心白朮湯治陰瘕手足厥冷筋脉拘急汗出不止

白朮

防風

甘草

桂心

川芎

附子

右為末每服五錢水二鍾生薑五片棗二枚同煎至七

陰瘕者



分去查温服

附子防風散治陰瘧閉目合面手足厥逆筋脉拘急汗出不止

白芷兩一

防風

甘草絡三

桂心兩半

附子分三

乾薑分三

柴胡兩一

茯苓分三

五味子兩一

右為末每服三錢水二盞生薑四片同煎去查温服

藏府

濕發汗太多因致瘧身熱足寒項強惡寒頭熱面腫目赤頭搖口噤背反張者太陽瘧也 若頭低視下手足牽引肘膝相構陽明瘧也 若一日或左右邪視并一手一足搐搦者少陽瘧也汗之止之和之下之各隨其經可已

有汗宜止之

且下之少陽瘧為半表半裏宜和之所謂各隨其經也 因虛婦人因怒手足強直十指如束左脉弦虛右脉弦大而強稍堅此風木攻脾土宜速瀉肝氣助肺金補脾土之陰

黃連錢二

天南星

白朮

人參

黃芩

天麻

川芎

木通

陳皮

青皮各半

甘草分一

作一貼煎取一盞入薑汁令辣再沸熱服

肺移熱於腎傳為柔瘧全文見診病傳變

運氣

運氣瘧有三 一曰風經云厥陰在泉客勝則大關節不利內為瘧強拘急外為不便又云諸暴強直皆屬於風是也 二曰濕經云諸瘧項強皆屬於濕王註謂陽內鬱而陽行於外是也 三曰寒包熱經云火太過曰赫羲赫羲



雜方

之紀上羽與正徵同其病瘥蓋司天之寒東火於中亦陰陽內鬱陰行於外之意也

世治角弓反張胞衣瓶內水鷺毛挑入患人口唇即愈

肝治中風身體強直不得屈伸及覆括枳樹皮細切一升以酒二升浸一宿每日溫酒服半升酒盡再作枳實即拘

濕除干治口噤手足不隨而身體強直伏龍肝五升以水七升和攪取汁飲之

仲病者身熱足寒頸項強急惡寒時頭熱而赤日亦獨頭動搖卒口噤背反張者瘥病也活人書云外症發熱惡寒與傷寒相似但其脈沉遲

破細而項背反張為異太陽病發汗太多因破瘥夫風病下之則瘥復發汗必拘

夫瘥脈按之緊如弦直上重

凡瘥脈皆伏沉

在太陽病發熱脈沉而細者名曰瘥瘥難治瘥病有表瘥難治即破傷風之類瘥病若發其汗者寒濕相搏其表益虛即惡寒瘥病發其汗已其脈冷冷如蛇暴腹脹大者為欲解脈如故反伏弦者瘥

瘥風瘥身反折先取足太陽及膈中及血絡出血中有寒取三里熱病篇

太陽所謂強上引背者陽氣太上而爭故強上也脈解篇

督脈為病脊強反折骨空論足少陰之筋循脊內挾脊上至項其病主癰瘕及瘥在外者不能俛在內者不能仰故陽病者腰反折不能俛陰病者不能仰治在燔針

甲風瘥身反折先取太陽及膈中及血絡出血瘥中有

針灸



寒取三里 瘧取之陰蹻及三毛上及血絡出血 瘧取  
顛會及百會又腦輪上關光明主之 瘧目不眴刺腦戶  
瘧吞強反折瘧癩疾頭重五樞主之 瘧互引善驚  
天衝主之 瘧反折心痛形氣短尻腫滑小便黃閉長強  
主之 瘧筋痛急互引肝輪主之 熱瘧脾輪及腎輪主  
之 瘧口噤互相引口乾小便赤黃或時不禁承漿主之  
瘧驚互引脚如結喘如裂束骨主之 瘧反折互引腹  
脹掖攣背中怏怏引脇痛內引心中脊內肺輪主之 又  
刺陽明從項而數背推俠脊脊而痛按之應手者刺之尺  
澤三痛立已

○勞風即疥之偏

虛邪用云瘧比癩為虛蓋因勞汗遇風內挾太陽寒濕之邪治  
亦與瘧同法但當視其所勞則知虛在何處如

表

虛汗出腠理開風入皮膚得寒則閉風不能出與水俱行  
其人常口下腫如臥蚕之狀戴人云腎主水其經至于目  
下故也不禁房室則死明其虛在腎也所以關於太陽何  
也太陽主寒其經最在外腠理得寒則閉故太陽先受邪  
也治宜八物白朮散倉公當歸湯見前  
河間芎朮丸方未 皂角化痰丸方見咳

○胎前瘧

此病多由風寒濕乘虛而感皆從太陽經治之

活獨活防風湯 治瘧太陽有汗

桂枝兩

芍藥兩

甘草半

獨活

防風各一

右剉細每服一兩水二鍾煎至一鍾溫服

防風檳湯 治瘧太陽無汗

後行

三



葛根兩四 麻黃兩三 芍藥 防風兩二

桂枝兩一

右剉細每用一兩先煮麻黃去上沫入後藥同煎數沸  
温服

○產後瘧

千竹瀝湯 治產中風口噤面青手足急強用竹瀝一升  
分為五服微温頻服大效

此症因虛遇風挾痰而作宜服人參竹瀝之類

虛瘵 產問曰產後汗出多而變瘵者何答曰產後血虛腠理不

密因遇風邪搏之故變瘵也宜速斡口灌小續命湯稍緩

解表 即汗出如雨手拭不及不可救也小續命方見前瘵條

黎卿古拜散 治新產血虛瘵者荆芥穗不以多少瓦上

如角弓反張口噤涎潮馬

豈牛升炒令焦黑烟起以無灰酒二升沃之入磁器中每  
用一盞入獨活五錢同煎至六七分去滓温服

按續命已下三方太陽厥陰藥也邪實脉浮弦有力者

固宜但產後血氣大虛之人不宜輕發其表但用防風

當歸散治之為妙

血虛 海防風當歸散方見前瘵條

○破傷風 瘵瘵 顫振 產後瘵瘵

破傷風者因瘡熱甚鬱結而榮衛不得宣通怫熱因之遍  
體故多白痂是時瘡口閉塞氣難宣通故熱甚而生風也  
先辨瘡口平無汁者中風也邊自出黃水者中水也並欲  
作瘵急治之又痛不在瘡處者傷經絡亦死症也初覺瘡

大法





腫起白痴身寒熱急用玉真散貼之傷在頭面急嚼杏仁和雄黃白麩傅瘡上腫漸消為度若腰脊及張四肢強直牙關口噤通身冷不知人急用蜈蚣研細末擦牙吐出涎沫立甦亦宜按摩導引

河破傷風風熱躁甚佛鬱在表而裏氣尚平者善伸數欠筋脉拘急或時惡寒或筋惕而搐脉浮數而弦也宜以辛熱治風之藥開衝結滯而愈猶傷寒表熱佛鬱而以麻黃湯辛熱發散也凡用辛熱開衝風熱結滯宜以寒藥佐之則良免致藥中病而風熱轉甚也如治傷寒發熱用麻黃桂枝加黃芩石膏知母之類是也若止以甘草滑石葱豉寒藥發散甚妙若表不已漸傳入裏裏又未太甚而脉弦小者宜以退風熱開結滯之寒藥調之或微加治風辛熱亦得酒傷寒在半表半裡而以小柴胡和解之也若裏勢

已甚而舌強口噤項背反張驚惕搐搦或吐稠粘胸腹滿塞便溺秘結或時汗出脉沉洪數而弦也然汗出者由風熱鬱甚于裏而表熱稍罷則腠理疎泄而心火熱甚故汗出也法宜除風散結寒藥下之後以退風熱開結滯之寒藥調之則熱退結散而風自愈矣

昔後搐者羌活獨活防風甘草向前搐者升麻白芷獨活防風甘草兩傍搐者柴胡防風甘草右搐加滑石

解表 河玉真散

南星 防風分等

右為末生姜汁酒調服傷處以此貼之

羌活防風湯 治破傷風初邪傳在表

羌活

防風

川芎

藁本

當歸

芍藥

甘草

地榆



細辛兩

右咬咀每服五錢水二盞煎八分熱服熱則加黃芩一兩大便秘加大黃一兩

防風湯見前風條

蜈蚣散

蜈蚣一對

魚鱈五錢

左蟠龍半兩炒烟盡

右為細末用防風湯調服

實表

白朮防風湯若服前藥已過截府和有自汗者宜服此藥

白朮

防風

黃芪各一兩

右咬咀每服七錢水二盞煎至一盞去滓溫服

大苦黃湯臟腑秘小便赤自汗不

攝藏府知病法

江鱈半兩

野鴿半兩

雄黃一錢

蜈蚣半兩

天麻兩

白殭半兩

右為細末分作三分先用二分燒飯為丸如桐子大硃砂為衣又用一分入巴苳霜一錢同和亦以燒飯為丸不用硃砂為衣每服硃砂為衣丸藥二十九入巴苳霜丸藥一丸次服二丸漸加至利為度再服硃砂為衣丸藥病愈止

和解

羌活湯 利後宜服擗痲不已亦宜服

羌活

獨活

地榆各一兩

每服五錢水一盞半煎至一盞去滓溫服如有熱加黃芩有痰加半夏



地榆防風散 治半表半裏頭微汗身無汗

地榆 防風 地丁香 馬齒莧各一

石為細末每服三錢溫米飲調下

虛 養血當歸地黃散日久氣血漸虛邪氣入胃宜養血四物湯加防風藁本白芷細辛各等分為細末每用五錢水一盞半煎至一盞溫服

○瘕瘕

病筋脉相引而急名曰瘕瘕俗謂之搐是也

風火

河諸熱瘕皆属于火熱勝風搏并于經絡風主動而不寧風火相乘是以熱瘕生矣治法祛風滌熱之劑折其火熱瘕可立愈若妄加灼艾或飲以發表之劑則死不旋踵矣

素問云心脉急甚者為瘕瘕此心火虛也治宜清心

黃散主之靈樞云心脉滿大癰瘕筋攣此心火實熱也治宜瀉心火涼驚丸主之肝脉小急亦癰瘕筋攣此肝虛也續斷丸主之若肝脉盛者先救脾宜加減建中湯素問云脾脉急甚者亦為瘕瘕此脾虛肝乘之而瘕也故宜實土瀉肝木之劑

虛實 汗多不止為虛無汗能食為實

卅四日 恒人參益氣湯 治熱傷元氣四肢困倦手指麻木時時

瘕瘕

黃芪 錢二 甘草 炙 升麻 各五分 五味子 三十粒

柴胡 六分 生甘草 五分 人參 二錢 炙甘草 五分

白芍藥 七分

右咬咀作一服水二盞煎至一盞去查熱服

獨活湯 治風虛昏瞶不自覺知手足瘕瘕或為寒熱血



虛不能服發汗藥及中風自汗尤宜服之

獨活 羌活 人參 防風

當歸 細辛 茯苓 遠志

半夏 桂心 白薇 菖蒲

川芎各五錢 升麻二錢

每服一兩水二盞生姜五片煎八分食後溫服

胃風湯 治虛風症能食麻木牙關緊急手足痲痺目肉

蠕咽胃中有風面腫

白芷二錢 升麻二錢 葛根一錢 蒼朮一錢

甘草五分 柴胡 藁本 羌活

黃柏 草薢各五分 麻黃半錢 蔓荆

當歸身一錢

風氣百散

薯蕷八分 當歸一分 桂心一分

熟地終十 甘草二分 人參一分 芎藭一分

芍藥 白朮 麥門冬 杏仁各六分

柴胡 桔梗 茯苓各五分 鹿角膠一分

乾姜三分 白朮三分 防風六分 大棗一百枚

黃芩六分 大豈黃卷七分

右二十二味末之和棗膏煉蜜丸如彈子大空腹酒服

續斷丸 治肝勞虛寒脇痛脹滿眼昏不食攣縮痲痺

續斷酒浸 川芎 當歸酒浸 半夏湯泡

橘紅 乾姜炮各 桂心 甘草炙各

右為細末蜜丸如桐子大每服百丸白滾湯下



心

牛黃散 治心虛風筋脉攣搐神昏語澀

牛黃

龍腦

硃砂

麝香

蟬蛻

烏蛇肉

酒一兩浸

全蝎

炒

僵蚕

炒

桑螵蛸

羚羊角

阿膠

炒

天麻

防風

甘菊花

蔓荊子

桂心

細辛

側子

炮去皮

獨活

去芦各半兩

犀角

兩

麻黃

右為細末和勻再研每服一錢荳淋酒下

續命煮散 治風氣留滯心中昏憤四肢無力口眼喎動

或時搐搦或渴或自汗

防風

獨活

當歸

人參

細辛

葛根

芍藥

川芎

熟地

遠志

荊芥

半真

官桂

每服一兩水二盞生姜三片煎至八分去渣通口服

多者加牡礪粉一錢半

風熱

獨活散 消風化痰

細辛

石膏

甘草

炙各半兩

防風

藁本

旋覆花

川芎

蔓荊子

獨活

運氣

運氣瘰癧有二

其一曰火經曰火鬱之發民病嘔逆瘰癧又曰少陽所至

為暴注暈瘰癧又曰少陽司天客勝則為瘰癧是也

其二曰水經曰陽明司天燥氣下臨木氣上從民病脇痛

目赤掉振鼓慄又曰歲土太過雨濕流行民病足痿不收







熟地

蒴藿根

附子

防風

細辛

莽草各四兩

川椒四合

羌活斤

一方用獨活

右十味咬咀盛以絹袋用酒四斗於磁器中漬封固勿令泄氣春夏三四宿秋冬六七宿酒成去滓日服一合常令酒氣相接不盡一劑病無不愈

○產後癱瘓

表

產後因虛傷風癱瘓同傷表症未傳入裏宜服防風湯前見

門風

愈風湯 治產後中風口噤瘓瘓亦治血暈四肢強直用

荆芥略炒為末每服三錢豆淋酒下

損柴胡湯 治產後感異症手足牽搐涎潮昏悶

石膏二錢

知母一錢

黃芪二錢

半夏一分

右咬咀分二服水二盞姜三片棗二枚煎八分不拘時服

秦朮湯前症已去次服此藥去其風邪

秦朮

芍藥

柴胡各一錢七分

甘草炙一分

黃芩

防風各一分

人參

半夏各一分

右咬咀分二貼每貼水二盞姜三片煎八分食遠服

○癘風

經曰脈風成為癘俗呼癘風是也

大法

丹云大風病是受得天地間殺物之風古人謂之癘風以其酷烈暴悍可畏爾人得之者須分在上在下夫在上者以醉仙散取臭惡血於齒縫中出在下者以通天再造散取惡物蚘虫於穀道中出所出雖有上下道路之異然皆



不外於陽明一經而已看其疙瘩上先見在上體多者病在上也下先見在下體多者病在下也上下同得者病在上復在下也陽明主胃與大腸無物不受此風之入人也氣受之在上多血受之在下多血氣俱受者上下皆多自非醫者有神病者有鐵心罕有免者余曾治四五人中間惟一婦人得免以其貧甚無物可吃也孫真人曰吾嘗治四五百人終無一人免者非真人之不能治也第無一人能守禁忌耳

大法重者取積取汗

醉仙散 治大風疾遍身癢疹瘡痒麻木

胡麻子

牛旁子

枸杞子

蔓荊

白蒺藜

苦參

瓜蒌根

防風

矣

四聖保命丹

大黃兩

黃柏兩

苦參

荊芥各四兩

右為末煉蜜和勻分作一百二十九每服一丸溫酒送下食遠日三服忌肉醬一方用蝦蟆一箇燒灰

祛風散

大蚕沙

五升先篩淨水淘三遍控乾

東行蝎虎

一條培乾用白麵四斤排蚕沙

為絡素抽乾

右每服一二合熬稻葉湯調服食前日三服

通天再造散 治大風惡疾

鬱金錢

大黃一兩

白牽牛

六錢半生牛炒



皂角刺黑大者一兩

右為末每服五錢日未出時面東以無灰酒調下

汗劑 愈風丹 治癩

皂角一斤去皮弦剉作四指許以無灰酒浸一宿漉出同新汲水一大碗揉作濃汁濾去渣以

砂鍋慢火熬膏 苦參四兩為末 土蝮蛇頭尾全用陰乾為末

右二味末以皂角膏丸如桐子大每服七十九空心用

防風通聖散煎成送下口二服服三二日後入浴出汗

病重者不過一料病微者止用烏稍蛇不用土蝮

換肌散 治大風年深不愈至眉毛墮落鼻梁塌壞額顛腫破服此速效

白花蛇三兩酒浸一宿 烏蛇三兩酒浸一宿 地龍去土三兩 當歸酒制

細辛 白芷各一兩 天麻 蔓荊子

蕪靈仙 荊芥穗 甘菊花 苦參

紫參 沙參 木賊 不灰木

川芎 沙苑蒺藜 甘草炙 天門冬

赤芍藥 菖蒲九節者 何首烏 胡麻炒

草烏頭各三兩 蒼朮三兩米泔浸 木鱉子去殼三兩 定風草三兩

右同為細末每服五錢七食後酒調服酒多為妙

緩劑 輕者疎風和血以二聖散治之二聖散方

大黃兩半 皂角刺三錢燒灰

右將皂角刺一二箇燒灰研細用大黃半兩煎湯調下

二錢早服樺皮散中以升麻湯下瀉青丸晚服二聖散

此為緩治

栢葉湯用東南枝上栢葉一秤水一桶水三沸去查瓮盛

起旋熬蚕沙調服初服苦澁三五日後甜十日四肢沉重

便赤白痢一月後發出瘡疥瘡破用烏龍散搽之



烏龍尾 印倒懸 灰二錢

烏鷄子皮 煨

二味為末用栢油調搽於破瘡上

樺皮散 治肺擁風毒遍身癩疹瘙痒

荆芥穗 二

枳殼

樺皮 各四

甘草 炙半

杏仁 二 去皮尖用水一盞煎 令減半取出令乾另研

右為末每服二錢食後溫酒調下

凌霄散 治癩風神效

蟬殼

地龍炒

殭蚕

全蝎 各七

凌霄花 半

右為末每服二錢熱酒調下無時於浴室中常躡湯中

一時許服藥神效

祛風丸 治疥癩經曰脉風成為癩也

甘草

熟地

地骨皮

柏子

生地

右九味木杵相為細末煉蜜丸如桐子大白湯下五十丸

洗藥如聖散

蔓荆子

苦參

玄參

厚朴

荆芥

紫參

陳皮

沙參

麻黃 去節 一兩

防風

白芷

歲靈仙 各二

右為細末每服五錢桃柳枝各一把水五升煎臨臥熱洗忌五辛

陳疔治

疔段庫使病癩風滿面連鬚極痒眉毛已脫落須用熱水沃之稍緩每晝夜須數次或砭刺亦緩先師曰風論中云夫癩者榮衛熱附其氣不清故使其鼻柱壞而色敗皮膚



癆潰風寒客于脉而不去名曰癩風治之者當刺其腫上以銳針刺其處按出其惡氣腫盡乃止常食如常食勿食他食如用藥當破血去熱升陽去癢瀉榮以辛冷散之甘温升之行陽明經瀉心火補肺氣乃治之正也

補氣瀉榮湯

升麻

連翹各六分

蘇木

當歸

全蝎

黃連

地龍

黃芪各三分

黃芩生四分

甘草一錢半

人參二分

生地四分

桃仁三箇

桔梗五分

麝香許少

胡桐淚一分

水蛭炒令烟二箇

蜜虫去翅足微炒二箇

右判如麻豆大除連翹另剉胡桐淚研白苝蕞二分為細末二味另放麝香蜜虫水蛭三味為末另放外都作一服水二大盞酒一匙入連翹煎至一盞六分再入白

飯後午飲前服忌酒濕麪生冷硬物

大風刺其肌肉故汗出百日刺骨髓汗出百日凡二百日髮眉生而止針

承漿一穴在頤前唇下宛上中足陽明任脉之會療偏風口喎面腫口齒痒蝕虫瘡灸亦佳日灸七比七七壯灸則血脉通宜其風應特立愈

醫家綱目卷之十一

醫家綱目卷之十一







